



UPPSALA  
UNIVERSITET

چگان گون پاسے

Chokkán gón pásé

نبيسوك: كارينا جهاني و ازيز بلوچ

نكشكار: مهسا مير

Nebisók: Káriná Jaháni o Aziz Balóch

Nakshkár: Mahsá Mir

چکّان گون پاسے

© کارینا جہانی، عزیز بلوچ

چاپلیکھ: 500

سال: 2016

شنگ کار: اوپسالا یونیورسیٹی

Chokkán gón pásé

© Káriná Jaháni, Aziz Balóch

Cháplékah: 500

Sál: 2016

Shengkár: Department of Linguistics and Philology

Uppsala University

ISBN: 978-91-506-2652-0

## رد و بند Red o band

- 5 ..... Mussá nabi o Hodáay gozhnagén bandah موسا نبی و ہدائے گزنگین بندہ
- 15 ..... Gójok گوجک
- 31 ..... Láliay chokkay sir لالیئے چکئے سیر
- 41 ..... Shér o say hamdelén gók شیر و سئے ہمدلین گوک
- 47 ..... Shayh Challi شئیہ چلی
- 57 ..... Tólagay bádsháhi تولگئے بادشاہی
- 67 ..... Gwaská kay bandit? گوسکا کئے بندیت؟
- 77 ..... Wájah Panchkosh واجہ پنچکوش
- 97 ..... Konth Bibi کُنٹ بیبی
- 117 ..... Bádsháh o azhdíá بادشاہ و اژدیا



## موسا نبی و هداے گزنگین بندہ

هستات روجے، هستات روزگارے، نبی موسائے زمانگا یک شدیگین مردمے  
آت.

## Mussá nabi o Hodáay gozhnagén bandah

Hastat róché, hastat rózgáré, nabi Mussáay zamánagá yak shodigén  
mardomé at.



یک روچے گون موسا نبیا گوشتی:

«موسا، تئو هُدائے کِرا کہ رتوئے، هدايا بگوش کہ تھنا یک روچے منی لاپا چہ نانا

سیر بکنت.»

گوشتی: «گوشان.»

Yak róché gón Mussá nabiá gwashti:

“Mussá, taw Hodáay kerrá ke raway, Hodáyá begwash ke tahná yak róché mani lápá cha náná sér bekant.”

Gwashti: “Gwashán.”



موسا نبی اودا هُدائے کِرا کہ شت، گوشتی: «او واجه هدا، تئی انچین بندھیا پہ  
تتو سلام دیم دات و گوشتی: «تھنا یک روچ اے امرے تها منی لاپا چه نانا سیر  
کن.»»

گوشتی: «برئو بیچارگا بگوش: «تئی امرا باز کنان بله تئی روزیگ کم انت. همه  
کمین روزیگا پہ تئی امرا کارمرز کنان، تتو سیر نبے.»»

موسا نبی آتک و هُدائے پیگام و کلثوانی پہ بندھا دات کہ: «او بندہ! تئی ربا اے  
رنگ گوشت، کہ تئی امر باز انت و تئی روزیگ کم. من همه کمین روزیگ پہ  
تئی امرا گیشیتنگ.»»

آییا گوشت: «نه، واجه هدا یا بگوش، من اے بازین امرا نلوٹان، سیری و مرک  
یکبرے. منا سیر کن. منی روزیگا یکبرا بدے، من ورا، من امر نلوٹان.»»

Mussá nabi ódá Hodáay kerrá ke shot, gwashti: “Oo wájah Hodá, tai anchén bandahéa pa taw salám dém dát o gwashti: ‘Tahná yak róch é omray tahá mani lápá cha náná sér kan.’”

Gwashti: “Beraw bécháragá begwash: ‘Tai omrá báza kanán, bale tai rózig kamm ent. Hamé kammén rózigá pa tai omrá kármarza kanán, taw séra nabay.’”

Mussá nabi átk o Hodáay paygám o kolawi pa bandahá dát ke: “Oo bandah! Tai rabbá é rang gwasht, tai omr báz ent o tai rózig kamm. Man hamé kammén rózig pa tai omrá gishhéntag.”

Áiá gwasht: “Na, wájah Hodáyá begwash, man é bázén omrá nalóthán, séri o mark yakbaré. Maná sér kan. Mani rózigá yakbará beday, mana warán, man omra nalóthán.”

موسا شت و گون هدایی گوشت. هدایا گوشت:

«موسا برئو، آییئے رۆزیگ پلان سنگئے چیرا یکجاه ایر انت. برئو و پیشی بدار،  
أمر که نلوئیت، یک رۆچئے تها هرچون که لوئیت بوارت.»

Mussá shot o gón Hodái gwasht. Hodáyá gwasht:

“Mussá, beraw áiy rózig plán sengay chérá yakjáh ér ent. Beraw o péshi  
bedár, omr ke nalóthit, yak róchay tahá harchón ke lóthit bwárt.”





موسّایا آ مرد آورت و پیشی داشت و گوشتی:  
«هدایا گوشتگ تیی روزیگ اے سنگے چیرا ایر انت.»

موسّا وت شت، تان سنگی چست کرت، دیستی که مزین زرّے اشیئے چیرا انت.  
اے بندها زرّ زرتنت و آتک بازارا.

Mussáyá á mard áwort o péshi dásht o gwashti:  
“Hodáyá gwashtag tai rózig é sengay chérá ér ent.”

Mussá wat shot, tán sengi chest kort, disti ke mazanén zarré eshiay chérá ent. É bandahá zarr zortant o átk bázará.



چنکه وهدے گژنگ و دلاپ ات. همه هر ورگ و هر نیبگے که دیستی، زرت و  
واری. آهرا همینچک واری که لاپی نساچت. یک کمین زرے منت.

گوشتی: یاره، من وه مران، منی امر اوشتاتگ. منی روزیگ همیش انت که من  
یکبرا وارت. بل، همشان هدائے راها دئیان.

Chenka wahdé gozhnag o deláp at. Hamé har warag o har nibagé ke disti,  
zort o wárti. Áherá haminchok wárti ke lápi nasáchet. Yak kammén zarré  
mant.

Gwashti: “Yára, man wa merán, mani omr óshtátag. Mani rózig hamesh  
ent ke man yakbará wárt. Bell, hameshán Hodáay ráhá dayán.”

گۆن وتی گوشت: «من که انشپی مران.» گۆزا زری زرت و پکیر و بیچارگ و  
چۆرئوانا دانتت.»

Gón wati gwasht: “Man ke enshapia merán.” Gorhá zarri zort o pakir o béchárag o chórawáná dátant.



آشپا مرک نیاتک، بله گژن پدا آتک.

گوشتی: «نون چۆن بکنان؟ رۆزیگ وه هما ات که من وارت. منتگین هم دانتت هدائے راها. تان پدا برئوان، هما سنگئے چیرا هاکانی تھا بیٹان، بلکین یک گونڈین زرے منتگ.»

آتک، سنگی چست کرت، دیستی که ده بار گیشتر زر سنگئے چیرا انت. آییئے باور و ایمان هم کامل بوت. گوشتی: «اے جوانین سئودایے.»

زرتی، بازین زرے هرچ کرت و وارتی و منتگینی هدائے راها دانتت.

Á shapá mark nayátk, bale gozhn padá átk.

Gwashti: “Nun chón bekanán? Rózig wa hamá at ke man wárt. Mantagén ham dátant Hodáay ráhá. Tán padá berawán, hamá sengay chérá hákání tahá bepatthán, balkén yak gwandhén zarré mantag.”

Átk, sengi chest kort, disti ke dah bár géshter zarr sengay chérá ent. Áiay báwar o imán ham kámel but. Gwashti: “É jwánén sawdáé.”

Zorti, bázén zarré harch kort o wárti o mantagéni Hodáay ráhá dátant.

اے دگہ ھپتگئے تھاشت و پدا دیستی کہ بیست آنکس أنت. آھرا، اے جھانئے  
مسترین باپاری و تاجر جوڑ بوت. کلین جھانئے تاجر بوت. مرگئے بدلا تاجر بوت.

موسا نبی یک روچے گونی ڈیک وارت و گوشتی:

«تئو پلانی نہائے؟ زندگ ائے؟»

«ھستان.»

«تئو نمرتئے؟»

É dega haptagay tahá shot o padá disti ke bist ánkas ant. Áherá, é jahánay  
masterén bápári o tájer jórh but. Kollén jahánay tájer but. Meragay badalá  
tájer but.

Mussá nabi yak róché góni dhikk wárt o gwashti:

“Taw peláni naay? Zendag ay?”

“Hastán.”

“Taw namortay?”



«بیا کہ من اے رنگ و ڈٹولین سئودایے زرتگ. من پہ ہدایا یگے دئیان و آ منا دہ دنت. من سدّ دئیان، آ منا ہزار دنت. من کلّین جہانے تاجر آن.» «بے شک کہ اگن پہ ہدایا یگے بدئیے، ہدا دہ دنت. اگن دہ بدئیے، سدّ دنت.»

اے واجہ موسّا ہدائے نبیے کسّہ ات.

“Byá ke man é rang o dhawlén sawdáé zortag. Man pa Hodáyá yakké dayán o á maná daha dant. Man sada dayán, á maná hazára dant. Man kollén jahánay tájer án.” “Béshakk ke agan pa Hodáyá yakké bedayay, Hodá daha dant. Agan **dah** bedayay, sada dant.”

É wájah Mussá, Hodáay nabíay kessah at.

# گوجک

هستات روجے، هستات روزگارے، هستات یک پوریاگرے. آیئے جنا چک  
نبوت. پمیشکا پوریاگر سک گمیگ ات. یک روجے شت و یک پیر و دریشیئے  
کرا مئیار بوت.

پیرا گوشت: «او مرد! تئو کئے ائے ادا کپتگئے؟»

گوشتی: «او واجه! منی بہت کپتگ و منا زهگ نبیت.»

پیرا گوشت: «شر انت، تئو اے لٹا بزور برئو و آسوپئے ڈرچکا بجن. یک سوپے کہ  
کپیت، وتی جنا بدئے.»

پوریاگر شت، سوپئے ڈرچکا لٹی جت، یک سوپے کپت، سوپی زرت و لوگا آتک.  
وتی جنی تئوار کرت و گوشتی: «یک پیریا منا دم جتگین سوپے داتگ، بیا و  
بوری.»

## Gójok

Hastat róché hastat rózgaré, hastat yak purýageré. Áiay janá chokka nabut.  
Paméshká purýager sakk gamig at. Yak róché shot o yak pir o darbéshéay  
kerrá mayár but.

Pirá gwasht: “Oo mard! Taw kay ay edá kaptagay?”

Gwashti: “Oo wájah! Mani baht kaptag o maná zahga nabit.”

Pirá gwasht: “Sharr ent, taw é latthá bezur o beraw á sópay drachká bejan.  
Yak sópé ke kapit, wati janá beday.”

Puriáger shot, sópay drachká latthi jat, yak sópé kapt, sópi zort o lógá átk.  
Wati jani tawár kort o gwashti: “Yak piréa maná dam jatagén sópé dátág,  
byá o bwari.”

جنا گوشت: «هموڊا بانداپر و ڏرنگئس سرا اڀري کن که من دستگت آن. آرتا تر کنان  
و کايان. تئو برئو کمه آپ بيار.»

پورياگرا کلي زرت و آپس کشاگت. شنکس گسا پترت. پورياگر آتک چارتي،  
سوڀي نديست. جني تئوار کرت و جستي گپت: «سوڀت وارت؟»

«نه، من نوارتگ.»

«گرا کجا گار بوت؟»

«من شنک ديست که گسا پترت.»

پورياگرا پٽ و شنکي در گيتک، دستي شنکس نکا کرت، يک تریشکس کشت و  
جنا داتي. جنينا هم آ تریشک وارت.

Janá gwasht: “Hamódá bándápar o drangay sará éri kan ke man dastgath  
án. Ártá tarra kanán o káyán. Taw beraw kammé áp byár.”

Puriágerá kalli zort o ápay kasshagá shot. Sheneké gesá potert. Puryáger  
átk cháreti, sópi nadist. Jani tawár kort o josti gept: “Sópet wárt?”

“Na, man nawártag.”

“Gorhá kojá gár but?”

“Man shenek dist ke gesá potert.”

Puriágerá patthet o sheneki dar gétk, dasti shenekay nokká kort, yak trishké  
kasshet o janá dáti. Janéná ham á trishk wárt.



ديڙي نگوست و جنئي لاپ پڙ بوت. نه ماها رند، چلگيئي ماه و روچ رست، پوريباگر  
 شت بازارا و هلڪئي جنبوگي آورت. بازين همساھگ و زال و بولي مچ بوتنت. جنين  
 كه ناوش بوت، ديستي ننگ گوجي. گرا گوجك زوت زوت لپتك و بونڊلڪاني  
 چيرا پترت. نشتگين جنين سجهين جست و شتنت، هر يكا همي هال و هبر سر كرت  
 كه پوريباگرئي جنئي ننگ گوجي بوتگ. رندا هچكسا دگه برے چه پوريباگرئي بزگين  
 جنا جست و پرسے نكرت.

Déré nagwast o janay láp porr but. Noh máhá rand, chellagiay máh o róch  
 raset, puriáger shot bázará o halkay janbógi áwort. Bázén hamsáheg o zál  
 o bullé mocch butant. Janén ke náwassh but, disti nonnok gójé. Gorhá  
 gójok zut zut leptak o bunddhalakáni chérá potert. Neshtagén janén  
 sajjahén jest o shotant, har yakká hamé hál o habar sar kort ke puriágeray  
 janay nonnok gójé butag. Randá hechkasá dega baré cha puriágeray  
 bazzagén janá jost o porsé nakort.



پوریاگرا گوشت: «بل ہرچے کہ بوتگ بوتگ، منیگ انت.» ماہ و سال گوستنت و  
گوچک ہم آیانی گسا مزن بوت.

تان یک روچے گوچک شت و دیستی کہ یک بلکے نشتگ و شیر و شیلانچ اڈ کنت.  
گوچکا و تا پہ یک زکیئے تہرا کرت.

بلکئے چم کہ پہ زکا کپت گوشتی: «ہدائے ہئیرات باتان! چونین شریں زکے ایر  
انت.» زکی زرت و وتی درستیکین روگنی آییئے تہا مان کرتنت و جندی شت و  
یک چیڑے گوچکا دستگت بوت.

گوچک چہ ہمؤدا لیٹ وراں لیٹ وراں وتی گسا آتک و گوشتی: «ماتی ماتی، کٹا  
پچ کن!» ماتا ہم وتی کٹ داشت و گوچکا چہ روگنا پُر کرت.

نون ماتا گوشت: «ندر آن پہ وتی لونڈین گوچکا، برئو نون گوازی کن!»

Puriágerá gwasht: “Bell harché ke butag butag, manig ent.” Máh o sál  
gwastant o Gójok ham áyáni gesá mazan but.

Tán yak róché Gójok shot o disti ke yak balloké neshtag o shir o shilánch  
addha kant. Gójoká watá pa yak zekkéay tahrá kort.

Ballokay chamm ke pa zekká kapt gwashti: “Hodáay hayrát bátán! Chónén  
sharrén zekké ér ent.” Zekki zort o wati drostigén rógeni áiyay tahá mán  
kortant o jendi shot o yak chizzé gwapagá dastgatth but.

Gójok cha hamódá léth warán léth warán wati gesá átk o gwashti: “Máti  
máti, kotthá pach kan!” Mátá ham wati kotth dásht o Gójoká cha rógená  
porr kort.

Nun mátá gwasht: “Nadr án pa wati lón dhén Gójoká, beraw nun gwázi  
kan!”

دگه یک رۆچے گۆجک شت انبارا و گوندو دئیان وتا په یک گوالگیئے تهرا در  
آورتی. انباردارا دیست و گوشتی: «أه، چۆنین جوانین گوالگے!» گڑا زرتی و چه  
دان و گلها پری کرت. گوالگی گوکئے پشتا اشت و گسا برت.

شپا گۆجک لیٹ واران لیٹ واران لوگا شت و گوشتی: «ماتی ماتی، کُٹا پیچ کن!»  
ماتا زانت و کُئی پیچ کرت و گۆجکا سجهین دان و گلله ماتے کُٹا ریتکنت. ماتا  
گوشت: «گۆجک، منا شنکرت جت که ندر باتان په وتی دُرین گۆجکا.»

Dega yak róché Gójok shot anbára o gwandu dayán watá pa yak gwálagéay  
tahrá dar áworti. Anbárdará dist o gwashti: “Oh, chónén jwánén gwálagé!”  
Gorhá zorti o cha dán o gallahá porri kort. Gwálagi gókay poshtá esht o  
gesá bort.

Shapá gójok léth warán léth warán lógá shot o gwashti: “Máti máti, kotthá  
pach kan!” Mátá zánt o kotthi pach kort o Gójoká sajjahén dán o gallah  
mátay kotthá rétkant. Mátá gwasht: “Gójok, maná shanket jat ke nadr bátán  
pa wati dorrén Gójoká.”

دگه یک رُوچے گُوچک شت نا و ہرماگی باگیا مان بوت و وتا پہ کتلیئے تھرا در  
آورتی۔ باگپانا دیست و چہ نایا پُری کرت و گون پھرے لوگا برت۔

شپ کہ بوت، پدا گُوچک لیٹ وراں لیٹ وراں لوگا آتک و گوشتی: «ماتی ماتی،  
کُٹا دار!» ماتا وتی کُٹ داشت، سبھین ہرماگی ایر کرتنت و گوشتی: «وتی  
گُوچکے کٹولیگ باتان.»

یک رُوچے ہم گُوچک شت کھن آئے سرا و وتا پہ یک زرین سندوکیئے تھرا در  
آورتی۔ بادشاہ و وزیرئے جنک پہ سر و جائے شوڈگا آتکنت۔ دیستش کہ چونین  
جوانین سندوکیے ایر انت۔ هر دوینان وتی زر و سھر و تلاھین سہت و زیور کشتنت  
و سندوکیا اشتنت و وت آبازیا گُلایش بوتنت۔

Dega yak róché Gójok shot ná o hormági bágéá mán but o watá pa kateléay  
tahrá dar áworti. Bágpaná dist o cha náyá porri kort o gón pahré lógá bort.

Shap ke but, padá Gójok léth warán léth warán lógá átk o gwashti: “Máti  
máti, kotthá dár!” Mátá wati kotth dásht, sajjahén hormági ér kortant o  
gwashti: “Wati Gójokay kawlig bátán.”

Yak róché ham Gójok shot kahnápay sará o watá pa yak zarrén sandukéay  
tahrá dar áworti. Bádsháh o waziray jenek pa sar o jánay shódagá átkant.  
Distesh ke chónén jwánén sanduké ér ent. Har doénán wati zarr o sohr o  
telahén saht o zéwar kasshetant o sanduká eshtant o wat ápbáziá goláesh  
butant.



جانِش که شُشت و آتکنت، دستش جت که سندوکا پِچ کننت، بله هر چے وسّ کرتش  
 دیستش که پِچ نبیت. په سنگ و دُوکش جت، سندوک پِچ نبوت. بے وسّ بوتنت،  
 سندوکش مۆلدیئے بڈا دات و بادشاهئے ماڑیا شتنت. اوڊا هم وسّش کرت، پِچ  
 نبوت. بادشاهئے جنکا گوشت: «انِشپی بِلّیتی، باندا اُستایے کارین تان بَبُرتی.»  
 گُرا سندوکش اِیر کرت.

Jánesh ke shosht o átkant, dastesh jat ke sanduká pach kanant, bale har ché  
 wass kortesh, distesh ke pacha nabit. Pa seng o dhókesh jat, sanduk pach  
 nabut. Béwass butant, sandukesh móledéay baddhá dát o bádsháhay márhiá  
 shotant. Ódá ham wassesh kort, pach nabut. Bádsháhay jeneká gwasht:  
 “Enshapi belléti, bándá ostáé kárén tán beborriti.” Gorhá sandukesh ér kort.

گوجکا دگه هم وتا ليٹ وران ليٹ وران په وتی گسا رسینت و گوشتی: «ماتی ماتی،  
کُتا دار!» ماتا کُت داشت و درستییگین زرّ و سُهر و سَهت و زیور مان کرتنت. اے  
رندا، ماتا گیشترین ندر و کربانے کرت.

یک رُوچے، هلکے جنک په سئِلا در کپنتت و گوشتش: «گوجک! تئو په زَپد و  
کُنگے چنگا کائے؟» گوجکا گوشت: «هئو کایان. شما رهادگ گریت، من کایان.»

گوجک رندترے سر گپت. جنک لئیلدک لادک جنان شتنت جو و ملپدان سر بوتنت.  
هر یکا وتی کارچ کشت و چمبر و زپدانی چنگا لگنتت، بله گوجک شت درچک و  
بوچانی ساهاگا نشت.

Gójoká dega ham watá léth warán léth warán pa wati gesá rasént o gwashti:  
“Máti máti, kotthá dár!” Mátá kotth dásht o drostigén zarr o sohr o saht o  
zéwar mán kortant. É randá, mátá géshterén nadr o korbané kort.

Yak róché, halkay jenek pa saylá dar kaptant o gwashtesh: “Gójok! Taw  
pa zanpad o kothengay chenagá káay?” Gójoká gwasht: “Haw, káyán.  
Shomá rahádag gerét, mana káyán.”

Gójok randteré sar gept. Jenek layladhok ládhok janán shotant jó o  
malpadán sar butant. Har yakká wati kárch kasshet o chamber o zanpadáni  
chenagá laggetant, bale Gójok shot drachk o bucháni sáhegá nesht.

جنڪان گوشت: «گوجک جان! اگن تئو چمبر و اگالينچ نچنئے، گڑا بزبان که ما ترا  
چيزے ندئيین.» گوجکا گوشت: «من کمکے رندتر چنان، نون گرم انت.»

Jenekán gwasht: “Gójok ján! Agan taw chambar o agálincha nachenay,  
gorhá bezán ke má tará chizzé nadayén.” Gójoká gwasht: “Man kammoké  
randtera chenán, nun garm ent.”



بیگاہا جنک بر گشتنت و ہلکئے نزیکا رستنت. گوجکا گوشت: «منا یک کُمکے  
چمبر بدئییت، اگن نہ، من شمئے شلوارانی تھا پُتران.» جنکان گوشت: «برئو  
ہمانگر گم بئے گندہ زات!»

گوجکا کُپ کرت و جنکانی درنیاما شت و چہ ہریکے مُٹے مُٹے زرت و لوگاشت  
و گوشتی: «ماتی ماتی! کُٹا دار!» ماتا کُٹ پچ کرت و کُٹی چہ چمبرا پُربوت. ماتا  
چُکرت و ندر و کُربان کرت.

Bégáhá jenek ber gashtant o halkay nazziká rasetant. Gójoká gwasht:  
“Maná yak kammoké chambar bedayét, agan na, mán shomay shalwárání  
tahá poterán.” Jenekán gwasht: “Beraw hamángor gom bay gandah zát!”

Gójoká kop kort o jenekáni darnyamá shot o cha har yakké motthé motthé  
zort o lógá shot o gwashti: “Máti máti, kotthá dár”! Mátá kotth pach kort o  
kotthi cha chambará porr but. Mátá chokket o nadr o korbán kort.



گوجک یک روچے نشت و پگری کرت کہ بارین دگہ کجا نشتگان؟ یکبرا هئالا  
کپت کہ: «مرؤچی مدرسہا برئوان، بلکین چیڑے بیاران.» نون مدرسهے کرا شت  
و وتا ترشت و لگنیئے تھرا کرتی.

سجھین بچک وانگا اتنت، یکے چروا گپت، تانکہ دیستی لگنے ایر انت، اینگر و  
انگری چارت و دیستی کس نیست انت، لگن و دلؤئے تھا چرووی کرت و شت. دومی  
بچک آتک، سئیمی و چارمی ہم آتکنت، دلؤ سریچ بوت. گوجک لوگا شت و  
گوشتی: «ماتی ماتی، کٹا دار!»

Gójok yak róché nesht o pegri kort ke bárén dega kojá nashotagán?  
Yakbará hayálá kapt ke: “Maróchi madrasahá berawán, balkén chizzé  
byárán.” Nun madrasahay kerrá shot o watá trasht o laganéay tahrá korti.

Sajjahén bachak wánagá atant, yakké chorróá gept. Tánke disti lagané ér  
ent, ingor ángori cháret o disti kas néstent, lagan o dallóay tahá chorrói kort  
o shot. Domi bachak átk, saymi o cháromi ham átkant, dalló sarréch but.  
Gójok lógá shot o gwashti: “Máti máti, kotthá dár!”

ماتا هم وش وِشا وتی کُت داشت. گوجکا هم چُرّو ماتے کُتا چپیگ کرتنت. ماتا که چُش دیست، گوجکی شرین رِهت و پیچے گپت، چونڈکے پاچت و گیر و چپانٹی جت. رندا پت آتک و آیا هم وتی چَوٹّ پہ گوجکا چپی راستی کرتنت. نون گوجکا وتی دلا گوشت: «من وتی لٹے بیرا و کئوشانی بدلا گران.»

Mátá ham wassh wasshá wati kotth dásht. Gójoká ham chorró mátay kotthá chappig kortant. Mátá ke chosh dist, Gójoki sharrén reht o péché gept, chundhoké páchet o girr o chapánthi jat. Randá pet átk o áíá ham wati chawatth pa Gójoká chappi rásti kortant. Nun Gójoká wati delá gwasht: “Man wati latthay bérá o kawsháni badalá gerán.”



دومی روچا وتا پہ ہریئے تہرا کرت و مدرسہا شت. گون وتی گوشت: «ہر بچکے سوار بوت، آئیئے سر و سرینا پرؤشان.» بچک کہ چٹی بوتنت، دیستش یک ہرے اوشتاتگ. پانزدہ بیست بچک ہرئے پشت و سر و گردنا سوار بوتنت، بازینیا ہرئے لیٹک گپت و بیچارگین ہرش وار و بزگ کرت. نون گوجکا وتی دلا گوشت: «من تان زندگ آن دگہ برے بچکانی ہدا نرئوان.»

دگہ یک روچے گوجک شت و بکالیئے دگانا پترت. بکال وتی زرّان حساب کنگا ات. گوجکا زوت زوت یکے چیر دات. بکالا کہ زرّ چارتنت، ہئیران منت کہ یکے چہ اے زرّان چے بوت؟

Domi róchá watá pa haréay tahrá kort o madrasahá shot. Gón wati gwasht: “Har bachaké swár but, áiy sar o sréná próshán.” Bachak ke chotthi butant, distesh yak haré óshtátæg. Pánzdah bist bachak haray posht o sar o gardená swár butant, bázénéá haray letthek gept o béchárágén haresh wár o bazzag kort. Nun Gójoká wati delá gwasht: “Man tan zendag án dega baré bachakáni haddá narawán.”

Dega yak róché Gójok shot o bakkáléay dokkáná potert. Bakkál wati zarrán hesáb kanagá at. Gójoká zut zut yakké chér dát. Bakkálá ke zarr cháretant, hayrán mant ke yakké cha é zarrán ché but?



جستی کرت: «گوجک! اے زر تئو زرتگ؟»

«نه، من نرتگ.»

Josti kort: “Gójok! É zarr taw zortag?”  
“Na, man nazortag.”

اے گوشتی و کپی کرت بگائے شلوارا پُترت. بیچارگین بگال چہ ترسا جاہ پہ جاہ  
مُرت. نون بگائے درستیگین ہستی و سامانی کُمک کُمک برت و لوگا سر کرتنت.  
مات و پت مالدار و سیّر و سراگاہ بوتنت.

من چہ ہمداد گون اتان. چہ بگائے مال و ہستیا گوجکا دات منا زرے، چہ زرا من  
گپت ہرے، ہر جریا کپت و مُرت، من وتی چادر چنڈت و بدّا جت و دست ہورک و  
ہالیگا لوگا پر ترّتان.

É gwashti o koppi kort bakkálay shalwára potert. Béchárágén bakkál cha  
torsá jáh pa jáh mort. Nun bakkálay drostigén hasti o sámáni kammok  
kammok bort o lógá sar kortant. Mát o pet máldár o sér o sarágáh butant.

Man cha hamedá gón atán, cha bakkálay mál o hastiá Gójoká dát maná  
zarré, cha zarrá man gept herré, herr jorréa kapt o mort, man wati cháder  
chandhet o baddhá jat o dast hórk o háligá lógá per tarretán.



## لالیئے چکئے سیر

تھلین تمباک، شیرکنین ہرماگ، شپ جاہ و رۆچ جاہ، شہرے گر و شہرے بل،  
آشکان بیدل.

ہستات رۆچے، ہستات رۆزگارے، ہستات بلّیے، بلُّکا ہستات یک بڑے و یک  
گُربگے . بیچارگین بلُّکا ہر و ہدے کہ وتی یکین بڑے شیر دُشتنت، شیری مان بُنداما  
اِشتنت تان مَسْتگ بنت و نان و مَسْتگے بوارت.

## Láliay chokkay sir

Tahlén tambák, shirkenén hormág, shap jáh o róch jáh, shahré ger o shahré  
bell, áshekáne bédel.

Hastat róché, hastat rózgáre, hastat ballié, balloká hastat yak bozé o yak  
gorbagé. Bécharagén balloká har wahdé ke wati yakkén bozay shira  
doshtant, shiri mán bondámá eshtant tán mastag bant o nán o mastagé  
bwárt.

گربگک هم مزن بوت و په بلکے دپار و چانوغان سیر نبوت. کم کما زانتی که بلک شیران کجا چیر دنت و پناه کنت. گڑا چه شدے هلاھوشا چیر بوت و لھمک لھمک، چه بلیے شیران کمکے وارتی.

سباھا، بلیا بندانم پیچ کرت و دیستی که شیر باز کمتر أنت. هرچه چارتی و پگری جت، اگلی په جاهے نرست، مدام گون وت همے پگرا ات که ادا بگئیر چه من و چه اے بے وسین پشیا دگه کسے نیست، گڑا اے شیران کئے انت که وارت؟

یک روچه شت و گندلانی پُشتا چیر بوت. گربگکا هم دیر نکرت و زوت زوت تهتے چیرا شت و بندانمے شیرانی کلپگا درگت. انگت په شری سیر نه ات که بلیا گپت و نهراں بست.

Gorbagok ham mazan but o pa ballokay dapár o chánugán séra nabut. Kam kamá zánti ke ballok shirán kojá chéra dant o panáha kant. Gorhá cha shoday haláhóshá chér but o lahmok lahmok, cha balliay shirán kammoké warti.

Sabáhá, balliá bondám pach kort o disti ke shir báz kamter ant. Harché cháreti o pegri jat, agli pa jáhé naraset, modám gón wat hamé pegrá at ke edá bagayr cha man o cha é béwassén pesshiá dega kassé nést, gorhá é shirán kay ent ke wart?

Yak róché shot o gandaláni poshtá chér but. Gorbagoká ham dér nakort o zut zut tahtay chérá shot o bondámay shiráni kalappagá drekket. Angat pa sharri sér naat ke balliá gept o neherrán bast.



هرچے میو میو کرتی پایدگے نیستات، بلیا جت و پرتک و گوشتی: «منی شیران ورے و منی بُنداما سلّ کنئے؟ بدار، بارین کہ من ترا چے کنان؟ اگن تئی دمن نبرت، بزبان شرین ماتیا آورتگئے. تان دگہ برا گرگے چشین گہ موارت و سجھین چہ تئو پنت بگرت.»

بیچارگین گرگ میو میو کنان ات کہ بلکا دُمب بُرت.

Harché miu miu korti payedagé néstat, balliá jat o pretk o gwashti: “Mani shirána waray o mani bondámá sella kanay? Bedár, bárén ke man tará ché kanán? Agan tai dombon naborret, bezán sharrén mátéá áwortagay. Tán dega bará gorbagé choshén goh mawárt o sajjahén cha taw pant begerant.”

Bécháragén gorbag miu miu kanán at ke balloká domb borret.



ڪُمُڪَ وهد نڪوَسٽ ڪه بازارا، لالِيئَ چُڪُئَ سِير و آرؤس مَچَٽ، مِيٽِڪَئَ گربگان هم شعور ڪرت ڪه بليئَ گربگُڪا گون وت بزورنت و په لالِيئَ چُڪُئَ سيرا ببرنت. بليئَ جاگها ڪه رَسْتَنٽ ديسْتَش گربگڪ، گريوان و نالان پيداڪ انت. جستش ڪرت: «هان بارين؟ تئيي دمبُڪا چه بوتگ؟ به دمبا بازارا چون زاهر بوت ڪنئ؟ برئو زوت بليئَ گورا پريات و زاربه بڪن، بلڪين دمبُڪي جاھے نه جاھے اير ڪرتگ.»

گربگُڪ گون يڪ هجالتي و سرجهليه بلڪئَ ڪِرا شت و گوشتي: «بلي بلي! دگه برے چشين رد نجانان، په هدا چار و مني دمبُڪا بدئ، دمبا په دمب بندان و رثوان لالِيئَ چُڪُئَ سيرا.» بليا گوشت: «تتو ائولا مني وارتيگين شيران بيار، من ترا دمبا دئيان.»

Kammoké wahd nagwast ke bázará, Láliay chokkay sir o áros macchet, métagay gorbagán ham shawr kort ke balliay gorbagoká gón wat bezurant o pa Láliay chokkay sirá bebarant. Balliay jágahá ke rasetant distesh gorbagok, gréwán o nálán pédák ent. Jostesh kort: “Hán bárén? Tai domboká ché butag? Bé dombá bázará chón záher buta kanay? Beraw zut balliay gwará peryát o zárié bekan, balkén domboki jáhé na jáhé ér kortag.”

Gorbagok gón yak hejálati o sarjahlié ballokay kerrá shot o gwashti: “Balli, balli! Dega baré choshén rada najanán, pa Hodá chár o mani domboká beday, dombá pa domba bandán o rawán Láliay chokkay sirá.” Balliá gwasht: “Taw awalá mani wártagén shirán byár, man tará dombá dayán.”

گربگکا شعور کرت گھتر انت بزوئے کرا برتوت و وتی برتگین دمبا پیش بداربت و نالگ و پریاتے بکنت، بلکین کمکے شیر آیا بدنت. گون اے شعورا، نون شت بزوئے کرا و گوشتی: «بزو بزو! شیر دئے، شیرا دئیان بلیا، بلی منا دمب دنت، دمبا پہ دمب بندان، رتوان لالیئے چکئے سیرا.» بزوا گوشت: «مانا کنری ٹالے دئے.»

Gorbagoká shawr kort, gehter ent bozuay kerrá berawt o wati borretagén dombá pésh bedárit o nálag o peryáté bekant, balkén kammoké shir áia bedant. Gón é shawrá, nun shot bozuay kerrá o gwashti: “Bozu bozu! Shir day, shirá dayán balliá, balli maná domb dant, dombá pa domba bandán, rawán Láliay chokkay sirá.” Bozuá gwasht: “Maná konari thálé day.”



گرِگ شت کُنرا گوشتی: «کُنر کُنرا! ٹال دے، ٹالا دئیان بزوا، بُوو منا شیر دنت، شیرا دئیان بلیا، بلی منا دمب دنت، دمبا پہ دمبَ بندان، رُووان لالیئے چُکئے سیرا.»  
کُنرا گوشت: «کُدام دے تان کہ کپوت بیانت منی سرا بنندنت. گُرا من ترا ٹالے  
دئیان.»

گرِگ شت کپوتے گورا و گوشتی: «کپوت کپوت! کدامے دے، کدام دئیان کنار، کنار منا ٹال دنت، ٹالا دئیان بُوو، بُوو منا شیر دنت، شیرا دئیان بلیا، بلی منا دُمب  
دنت، دمبا پہ دمبَ بندان، رُووان لالیئے چُکئے سیرا.» کپوتا گوشت: «دان دے.»

Gorbag shot konará gwashti: “Konar, konar! Thál day, thálá dayán bozuá, bozu maná shir dant, shirá dayán balliá, balli maná domb dant, dombá pa domba bandán, rawán Láliay chokkay sirá.” Konará gwasht: “Kodámé day tánke kapót byáyant mani sará benendant, gorhá man tará thalé dayán.”

Gorbag shot kapótay gwará o gwashti: “Kapót, kapót! Kodám day, kodám dayán konará, konár maná thál dant, thálá dayán bozuá, bozu maná shir dant, shirá dayán balliá, balli maná domb dant, dombá pa domba bandán, rawán Láliay chokkay sirá.” Kapótá gwasht: “Dán day.”

گرگ شت زمینی گوشت: «زمین زمین! دان دئے، دانا دئیان کپوتا، کپوت منا کدام  
دنت، کدام دئیان کنار، کنار منا ٹال دنت، ٹالا دئیان بڑوا، بڑو منا شیر دنت، شیرا  
دئیان بلیا، بلی منا دمب دنت، دمبا پہ دمب بندان، رءوان لالیئے چکئے سیرا.»  
زمینا گوشت: «آپ دئے.»

Gorbag shot zemini gwasht: “Zemin, zemin! Dán day, dáná dayán kapótá,  
kapót maná kodám dant, kodám dayán konará, konár maná thál dant, thálá  
dayán bozuá, bozu maná shir dant, shirá dayán balliá, balli maná domb  
dant, dombá pa domba bandán, rawán Láliay chokkay sirá.” Zeminá  
gwasht: “Áp day.”



گرگ شت کھنا گوشتی: «کھن کھن! آپ دئے، آپا دئیان زمینا، زمین منا دان دنت، دانا دئیان کپوٽا، کپوٽ منا کدام دنت، کدام دئیان کنارا، کنار منا ٹال دنت، ٹالا دئیان بزوا، بزو منا شیر دنت، شیرا دئیان بلیا، بلی منا دمب دنت، دمبا پہ دمب بندان، رٿوان لالیئے چکئے سیرا.» کھنا گوشت: «بردے دئے، من بار گیتگان.»

نون گرگ اُستادئے کِرا شت: «اُستاد اُستاد! بردے دئے، بردا دئیان پہ کھنا، کھن منا آپ دنت، آپا دئیان زمینا، زمین منا دان دنت، دانا دئیان کپوٽا، کپوٽ منا کدام دنت، کدام دئیان کنارا، کنار منا ٹال دنت، ٹالا دئیان بزوا، بزو منا شیر دنت، شیرا دئیان بلیا، بلی منا دمب دنت، دمبا پہ دمب بندان، رٿوان لالیئے چکئے سیرا.» اُستادا گوشت: «شدیگ آن، برٿو پہ من نا بیار.»

Gorbag shot kahná gwashti: “Kahn kahn! Áp day, ápa dayán zeminá, zemin maná dán dant, dáná dayán kapótá, kapót maná kodám dant, kodám dayán konará, konár maná thál dant, thálá dayán bozuá, bozu maná shir dant, shirá dayán balliá, balli maná domb dant, dombá pa domba bandán, rawán Láliay chokkay sirá.” Kahná gwasht: “Bardé day, man bár geptagán.”

Nun gorbag ostáday kerrá shot: “Ostád ostád! Bardé day, bardá dayán pa kahná, kahn maná áp dant, ápa dayán zeminá, zemin maná dán dant, dáná dayán kapótá, kapót maná kodám dant, kodám dayán konará, konár maná thál dant, thálá dayán bozuá, bozu maná shir dant, shirá dayán balliá, balli maná domb dant, dombá pa domba bandán rawán Láliay chokkay sirá.” Ostádá gwasht: “Shodig án, beraw pa man ná byár.”

گربگ شت مچئے کِرا، گوشتی: «مچ او مچ! نا دئے، نایا دئیان اُستادا، اُستاد منا  
 برد دنت، بردا دئیان پہ کھنا، کھن منا آپ دنت، آپا دئیان زمینا، زمین منا دان دنت،  
 دانا دئیان کپوتا، کپوت منا کدام دنت، کدام دئیان کنارا، کنار منا ٹال دنت، ٹالا  
 دئیان بڑوا، بزو منا شیر دنت، شیرا دئیان بلیا، بلی منا دمب دنت، دمبا پہ دمب  
 بندان، رتوان لالیئے چکئے سیرا.»

Gorbag shot macchay kerrá, gwashti: “Macch o macch! Ná day, náyá  
 dayán ostádá, ostád maná bard dant, bardá dayán pa kahná, kahn maná áp  
 dant, ápá dayán zeminá, zemin maná dán dant, dáná dayán kapótá, kapót  
 maná kodám dant, kodám dayán konárá, konár maná thál dant, thálá dayán  
 bozuá, bozu maná shir dant, shirá dayán balliá, balli maná domb dant,  
 dombá pa domba bandán, rawán Láliay chokkay sirá.”



مچّا کہ نا دات، آ نایی دات اُستادا، اُستادا برد دات، بردی دات کہنا، کہنا آپ  
دات، آپی دات زمینا، زمینا دان دات، دانی دانتت کپوتا، کپوتا کدام دات، کدامی  
دات کنارا، کنارا ٹال دات، ٹالی دانتت بزوا، بزوا شیر دات، شیری دانتت بلیا، بلیا  
دمب دات، دمبی پہ دمبا بست و شت لالیئے چکئے سیرا بٹ و گۆشتئے ورگا.

لالیئے چکئے سیرا منی ونڈا کپت ہیرانے بٹ، گربگانی سہبت و درک و دئوران،  
ہیران چپی و شکون بوت و بٹ رتکنت و من پہ شدلاپی پر ترّت و لوگا آتکان.

Macchá ke ná dát, á náí dát ostádá, ostádá bard dát, bardi dát kahná, kahná  
áp dát, ápi dát zeminá, zeminá dán dát, dání dátant kapótá, kapótá kodám  
dát, kodámi dát konará, konará thál dát, tháli dátant bozuá, bozá shir dát,  
shiri dátant balliá, balliá domb dát, dombi pa dombá bast o shot Láliay  
chokkay sirá batth o góshtay waragá.

Láliay chokkay sirá mani wandhá kapt hiráné batth, gorbagáni sohbat o  
drek o dawrán hirán chappi o shakun but o batth retkant o man pa shodlápi  
per tarret o lógá átkán.



## شیر و سئے ہمدلین گۆک

تھلین تمباک، شیرکنین ہرماگ، شپ جاہ و روچ جاہ، شھرے گر و شھرے بل،  
آشکان بیدل.

ہستات روچے، ہستات روزگارے، ہستات سئے ہمدل و ہمپٹین گۆک کہ سک  
ہمراز اتنت. یگے سیاہ ات، یگے بؤر و آدگہ ہم اسپیت. اے سئین گۆک، چہ  
دورین زمانگے ہمدل اتنت. ہرجاہ کہ پہ چراگاہا بشتیننت، ہچ جانور و درندھے  
آیانی سرا زور نہات. اگن یک وھدے، شیر و پلنگ یا گُرخیا آیانی سرا ارش برتین،  
گڑا ہر سئینان پہ یکپارگی ہملگ کرت.

پہ اے ہاترا کہ گون یکدگرا سک ہمدل اتنت، ہچ جانورا اے واک نیستات تان  
آیانی سرا ارش ببارت.

## Shér o say hamdelén gók

Tahlén tambák, shirkenén hormág, shap jáh o róch jáh, shahré ger o shahré  
bell, áshekáne bédel.

Hastat róché, hastat rózgaré, hastat say hamdel o hampathén gók ke sakk  
hamráz atant. Yakké syáh at, yakké bór o á dega ham espét. É sayén gók,  
cha durén zamánagé hamdel atant. Harjáh ke pa charágáhá beshoténant,  
hech jánwar o derrandahé áyáni sará zór naat. Agan yak wahdé, shér o  
polang yá gorkéá áyáni sará orosh bortén, gorhá har sayénán pa yakpáragi  
hamlaga kort.

Pa é háterá ke gón yakdegará sakk hamdel atant, hech jánwará é wák néstat  
tán áyáni sará orosh bebárt.

بله اے درنیاما، یک شیرے اشانی زدا کپت و په آیانی دژمنیا کمینی کرت. گون  
وتی گوشت: «تان که من اشانی همدلی و همپٹیا مپروشان، هچبر آیان وارث نکانان.»

نون شیر آتک و گون آیانی دروگ بست. وتی دروگی چش بنگیج کرت که: «اُره  
یار! شما اے ڈٹولین سنگت ایت و شمئے چارمی برات هم من آن. من یک وشین  
پربهارین سبزگے دیستگ، سک وش و دلکشین بهارے. بیایت که ماشما همودا  
برئوین. من شمارا بران، شما سبزگا بچریت و من شمئے نگهپانیا کنان.»

Bale é darnyámá, yak shéré eshání zeddá kapt o pa áyáni dozhmeniá  
kamini kort. Gón wati gwasht: “Tánke man eshání hamdeli o hampatthiá  
mapróshán, hechbar áyán wárta nakanán.”

Nun shér átk o gón áyáni dróg bast. Wati drógi chosh bongéj kort ke: “Orhe  
yár! Shomá é dhawlén sangat ét o shomay cháromi brát ham man án. Man  
yak wasshén porbaháren sabzagé distag, sakk wassh o delkasshén baharé.  
Byáét ke máshomá hamódá berawén. Man shomára barán, shomá sabzagá  
becharét o man shomay negahpániá kánán.”

شیرا گوشت و گوشت تانکه آ، هر بوتنت و گون وتی برتنت. نون گوشتی که: «شما سبزگا بچریت، من اے ڈکئے سرا په شما نگهپانی دئیان.»

Shérá gwasht o gwasht tánke á, har butant o gón wati bortant. Nun gwashti ke: “Shomá sabzagá becharét, man é dhekkay sará pa shomá negahpánia dayán.”



مرۆچيگ و بانداتی کرت و اے دگه روچا شت بۆرین و اسپیتین گوکانی گوشتی تها گوشتی: «اُرّه یار! منیگ و شمئے پُٹ یكّ و همرنگ انت، بله مئے شمئے درنیاما هما سیاھئے رنگ دگه پئیم انت، گوشتی چه ما نه انت. شما آییَا كُمک مکنیت، بلیت منی و ران. گزا، اے سجهین بهار و سبزگ په شما مانیت.»

Maróchig o bándáti kort o é dega róchá shot bóren o espétén gókáni góshay tahá gwashti: “Orhe yár! Manig o shomay poth yakk o hamrang ent, bale mayshomay darnyámá hamá syáhay rang dega paym ent, gwashay cha má naent. Shomá áia komak makanét, bellét mania warán. Gorhá, é sajjahén bahár o sabzag pa shomá manit.”

گۆن اے درۆگ و دراشان، هر سئینانی درنیامی هراب کرت و آ شرین همپئیے  
دیوالی پرۆشت و گوشتی: «نون شر بوت.»

گڑا گۆن یک گل و چلے شت سیاھین گوکی چلاپت و وارت. آ دوینان کُمک نکرت  
که نکرت. شیر چه یگے زۆر ات و آ وارتی.

Gón é dróg o dráshán, har sayénáni darnyámi haráb kort o á sharrén  
hampatthiy diwáli próst o gwashti: “Nun sharr but.”

Gorhá gón yak gal o chalé shot syáhén góki chalápt o wárt. Á doénán  
komak nakort ke nakort. Shér cha yakké zór at o á wárti.



اِشى كه وارت و هلاس كرت، رندا شت بۆرېن گۆكئى گۆشئى تها گۆشتى: «منىگ و تئىي پُت يگ و همرنگ أنت، تئو آييا كُمك مكن، بل كه منى واران. گُرا اء درستىگين بهار تئىيگ بيت. آ وهدى، من په تئو نكهپانى كنان و تئو بس بور و بوپس.»

Eshi ke wárt o halás kort, randá shot bórén gókay góshay tahá gwashti: “Manig o tai poth yakk o hamrang ant, taw áia komak makan, bell ke mania warán, gorhá é drostigén bahár taiga bit. Á wahdi, man pa taw negahpánia kanán o taw bass bwar o bwaps.”



اسپيتين گۆكى هم بء آ دگرئى كمكا گپت و وارت. اِشى هم كه وارت و هلاس كرت، نون گون آهريا گۆشتى: «نون زورُن تئىي سرا هم گيش إنت.» سئىمى هم وارتى.

Espétén góki ham bé á degaray komaká gept o wárt. Eshi ham ke wárt o halás kort, nun gón áheriá gwashti: “Nun zóron tai sará ham gésh ent.” Saymi ham wárti.

اے ڈٹولا، گون دروگ و رپک، آھر سئین ہمدلین گوکی چہ ہمتپاکی و ہمپٹیا  
پرینت و وارتنٹ.

کسہ ہلاس بوت، کسے کہ وتی تپاکی و ہمدلیا پرؤشیت و یلہ دنت، آسری ہمیش  
بیت کہ سئین گوکانی بوت.

É dhawlá, gón dróg o repk, á har sayén hamdelén góki cha hamtepáki o  
hampatthiá perrént o wártant.

Kessah halás but, kasé ke wati tepáki o hamdeliá próshit o yalaha dant,  
ásari hamesha bit ke sayén gókáni but.

## شعیہ چلی

تھلین تمباک، شیرکنین ہرماگ، شپ جاہ و روچ جاہ، شہرے گر و شہرے بل،  
آشکان بیدل.

ہست ات روچے، ہست ات روزگارے، ہست ات مردے کہ نامی شعیہ چلی ات. یک  
روچے چو اے دگہ روچان، شعیہ چلی شدئے بورا زرابان بست و پدا لوگا اورت و  
رسینت. گون رسگئے پابرمشا، جنا گوانک جت: «هان بارین میر! مروچی ہم گون  
گوشان ائے؟»

آیا گون تزنے پسئو دات: «نہ، مروچی تلاہن گون انت! چے بگوشان جن؟ ترا چون  
انت؟ پہ چے سرکیچ نورئے؟ پادانی تجیگ سستنت و یکتیا پہ کارے گوانک نجتان.

## Shayh Challi

Tahlén tambák, shirkenén hormág, shap jáh o róch jáh, shahré ger o shahré  
bell, áshekáne bédel.

Hastat róché, hastat rózgáré, hastat mardé ke námi Shayh Challi at. Yak  
róché chó é dega róchán, Shayh Challi shoday bórá zrábán bast o padá lógá  
áwort o rasént. Gón rasagay pábramshá, janá gwánk jat: “Hán báren mir!  
Maróchi ham gón góshán ay?”

Áiá gón tazhné passaw dát: “Na, maróchi teláhon gón ent! Ché begwashán  
jan? Tará chón ent? Pa ché sarkecha nawaray? Pádáni tejjig sestant o yakkéa  
pa káre gwánk najatán.

كُربانى باتان! كلاتى و هاكى چُكَّے نكرتانى كه هچ، سيادے هم نكرتانى، تان  
 آسك و كپوتے بجنان. كُهبلوچے هم نكرتانى، تان راهے بندان و مالے بپلان.  
 دهگانے هم نكرتانى، كه آ وتى مچان وت ايوارنت و ڈگارن وت آپ و مين كننت.  
 اُستادے نكرتانى، تان داس و كارچے تيز بكنان و چُكَّانى مُلاُكان بُران. دپ و زبانه  
 هم ناداتانى، تان گون وشگپي كلاتانى چلیمداريے لاهك ببان. باپاريگري هم، زر  
 لوٲيت. اے بوت كه شدے تيلانكان، پدا تئي مهرانى دامنا دئور داتان. بله نون  
 زوت كن كه دگه روتانى هيتارى تتوارا گيشتر سگت نكنان.»

Korbáni bátán! Kaláti o hákemi chokké nakortáni ke hech, sayádé ham  
 nakortáni, tán ásk o kapóté bejanán. Kohbalóché ham nakortáni, tán ráhé  
 bandán o málé bepolán. Dehgáné ham nakortáni, ke á wati macchán wata  
 éwárant o dhagárán wat áp o ména kanant. Ostádé nakortáni, tan dás o  
 kárché téz bekanán o chokkáni molláokán borrhán. Dap o zobáné ham  
 nadátáni, tan gón washgappi kalátáni chelimdáriay láhek bebán. Bápárigari  
 ham zarra lóthit. É but ke shoday télánkán, padá tai mehráni dámoná dawr  
 dátán. Bale nun zut kan ke dega rótáni haptári tawára géshter saggeta  
 nakanán.”



جنا درآینت: «پوشِ کَلِکَّان، گوادری لِکَّان، کیچی جنگان، مندی بچگان، من چه پیشا زانت که تئو گون شرترین هئیرے اے سهته سرین لوگا مان نبے. په تئی هیئارکین لاپا، من چه کرت کنان؟ کئیلے نگیژن په بگبھتی چه همساہگے پنڈتگ، پُکیتنگ و گراستگ. تریشکے په چُگان بل و آ دگران کویت کن. کپدستے نغن هم شیکنا انت، مان جن و بور، تریت کنگی نه انت. بله په هُدایا بچار و دگه نوکین وابے مگند، جنگ و درنگ و دگه جک و جیڑھے مَجوڑین و منا شِر بر سر بازار مکن که نون چه تیچ و تاچا کیتگان.»

شئیہ چلیا نگی چُنڈے در گپت و نگیژان مان جت و آ دگه گلائی و سر کشتنت. هما داب که نشتگات، لوگے بانڈما تکه داتی و واب کپت.

Janá darráent: “Pusshe kalekkán, Gwádari lekkán, Kéchi jenekkan, Mandi bachakkán, man cha péshá zánt ke taw gón sharterén hayré é sohtasarén lógá mána nabay. Pa tai hinnárkén lápá, man ché korta kanán? Kaylé negizzon pa bagbahti cha hamsáhegé pendhetag, pokkéntag o grástag. Trishké pa chokkán bell o á degarán kópt kan. Kapdasté nagan ham shékená ent, mán jan o bwar, trit kanagi naant. Bale pa Hodáyá bechár o dega nókén wábé magend, jang o drang o dega jak o jérhahé majórhén o maná sherr bar sare bázár makan ke nun cha tach o táchá kaptagán.”

Shayh Challiá nagani chondhé dar g sarept o negizzán mán jat o á dega golathet o sar kasshetant. Hamá dáb ke neshtagat, lógay bándhomá tekkah dáti o wáb kapt.

چُنٽ دمانا رند، اناگت چه اُبینگین و ابا جہ سِرٽ و گون یک مستاگی بشارت گونگین  
 توارے گوشتی: «جن! بجه که وشین و اے دیستن. اے و اب، پیشیگین و ابانی ڈتولا  
 نہ انت. تئو گوشے یک گئیبی مستاگی. زوت کن کہ گوسکئے بنجاہ در گیجگی  
 انت. زوت زوت بگوش کہ کجام کچایی بندین؟ تان زات و زھئے روچان، دگہ بلاہ  
 و سلھے سراہی مکپیت.»

جنا سواسی تاپے چت و گون بچکندے لوگئے راستی سروگا دثوری دات و گوشتی:  
 «آہ، اودا.»

Chont damáná rand, anágat cha obénagén wábá jah serret o gón yak  
 mestági besharatgónagén tawaré gwashti: “Jan! Bejeh ke wasshén wábé  
 diston. É wáb, péshigén wábáni dhawlá naent. Taw gwashay yak gaybi  
 mestágé. Zut kan ke gwaskay banjáh dar géjagi ent. Zut zut begwash ke  
 kojám koccháí bandén? Tán zát o zehay róchán, dega baláh o sallahé sarái  
 makapit.”

Janá swási táé chet o gón bechkandé lógay rásti srugá dawri dat o gwashti:  
 “Áh, ódá.”



نون شئیہ چلیا اناگت بُرزین چیتکے کشت و گوشت: «زار پہ تئی سرا بات، دستت  
مُند باتنت. گولوات کور کرت کہ کور باتے.»

جنا سواسے آدگہ تا چست کرت و گوشتی: «شر انت، اے کچا نہ، آدگہ کُنجا  
بندی.»

شئیہ چلیا اے گشتا گنوکانی ڈٹولا جاہ جت و گون چیتک و چیہالے گوشتی: «تہت  
سر باتے، پیشا کورت کرت و نون پادِت پرؤشت و لنگت کرت.»

گڑا، گون گزے پاد آتک تان جنینا بجنت. جنین بے کئوش و پاشپاد، بے سریگ و  
سِترے، ڈٹا تَتک. تجے جنین و تجے شئیہ چلی.

Nun Shayh Challiá anágat borzén chétké kasshet o gwasht: “Zár pa tai sará  
bát, dastet mondh bátant. Gólóet kór kort ke kór bátay.”

Janá swásay á dega tá chest kort o gwashti: “Sharr ent, é kocchá na, á dega  
konjá bandéni.”

Shayh Challiá é gashtá ganókáni dhawlá jáh jat o gón chétk o chihálé  
gwashti: “Tahte sar bátay, péshá kóret kort o nun pádet prósht o langet  
kort.”

Gorhá, gón gazabé pád átk tan janéná bejant. Janén bé kawsh o páshepád,  
bé sarig o setré, dhanná tatk. Taché janén o taché Shayh Challi.



چه آيانی اے تچ و تاگا، بازارے مردم ڈاه گپنتت و په سُهَل و سَلاها آتکنت و جُستش  
 کرت: «هان بارين جن، چه بوتگ؟ شئيه چليا چون انت و په چه تئیی جنگا  
 لا کارتگی؟»

جنا گوشت: «چه بگوشان؟ بیایت که نون پهک گنوک بوتگ و ساری چه سرا  
 شتگ، بلکین شمایی کُمکے سر و سوج کنیت.

Cha áyáni é tach o tágá, bázaray mardom dháh geptant o pa sohl o saláhá  
 átkant o jostesh kort: “Hán bárén jan, ché butag? Shayh Challiá chón ent o  
 pa ché tai janagá lákártagi?”

Janá gwasht: “Ché begwashán? Byáét ke nun pahk ganók butag o sári cha  
 sará shotag, balkén shomái kammoké sar o sój kanét.

اے مرد، ہدازدگے۔ بیکاری و شدئے جن و جاتیگان جتگ و تاجپنتگ، لوگا آتکگ و گوشتگی: «چے هست انت کہ منا شدا کشت؟» من گوشتگ: «چہ تئی برکتا اے لوگا بگئیر اے کُمکین نگیزی واداپا، دگہ چیزے نیست.» دیزے نگیزی واداپی سر کشتگ و لاپی ڈمبرتگ.

گوں لاپئے ڈمبرگ و نگیزانی گواتے تیلانکان، چہ نیموابے یکبرا جہ سرتگ و گوشتگی: «هان جن! بیا کہ وشین وابے دیستن.» من ہم پہ مزہ گوشتگ: «بلکین پیگمبری وابے دیستگت. بلہ ہئیر انت، بارین؟ کسہ کن!»

نون گوشتگی: «بلہ، واین دیستگ بڈے شنکن چتگ، بیگاھا بازارئے رمگئے راہئے سرا اشتگ. چہ ہر بڑ و میشیئے بندگپتگین مود و پشمان، یک یک مشتے زرتگ و گوں جلکے رستگ و بندیک جوڑپنتگ. گوں آ بندیکانی زرا، آپسین گوکے کپتگن. گوک زاتگ و مادگین گوکے آورتگی.»

É mard, hodázadagé. Békári o shoday jenn o játigán jatag o táchéntag, lógá átkag o gwashtagi: ‘Ché hastent ke maná shodá kosht?’ Man gwashtag: ‘Cha tai barkatá é lógá bagayr é kammokén negizzi wádápá, dega chizzé nést.’ Dézé negizzi wádápi sar kasshetag o lápi dhambaretag.

Gón lápay dhambarag o negizzáni gwátay télánkán, cha némwábé yakbará jah serretag o gwashtagi: ‘Hán jan! Byá ke wasshén wábé diston.’ Man ham pa mezáh gwashtag: ‘Balkén paygmabari wábé distaget. Bale hayr ent, bárén? Kessah kan!’

Nun gwashtagi: ‘Bale, wábon distag, baddhé shankon chetag, bégáhá bázaray ramagay rahay sará eshtag. Cha har boz o méshéay band geptagén mud o pashmán, yak yak moshté zortag, gón jallaké restag o bandikk jórhéntag. Gón á bandikkáni zarrá, áposén góké geptagon. Gók zátag o mádagén gwaské áwortagi.’

نون منا گوشتگی: «زوت بگوش کہ کجایی بندین؟» من گوشتگ: «اودا.» گوشتگی:  
«کورت کرت.» گوشتگن: «آ دگہ کُنجا.» گوشتگی: «لنگت کرت.» نون چہ ہما کہ  
پہ منی جنگا لاکارتگی.

انون ہم وت گندگا ایت کہ تچے من و تچے آ انت. اے مرد گنوکے. پگا کہ بڑگ  
و بیمرادین ماتا شر نام پر بستگ. بیکار و بے روزگار نشتگ و یگوش واب گندیت.  
ترسان اگن ہیچی مگوشے، ہمے باندات انت کہ پیگمبریے داوایا بکنت و بگوشیت  
کہ ارشا گون واجہ ہدا همزان بوتگ.

Nun maná gwashtagi: ‘Zut begwash ke kojái bandén?’ Man gwashtag:  
‘Ódá.’ Gwashtagi: ‘Kóret kort.’ Gwashtagon: ‘Á dega konjá.’ Gwashtagi:  
‘Langet kort.’ Nun cha hamá ke pa mani janagá lákártagi.

Annun ham wat gendagá ét ke taché man o taché á ent. É mard ganóké.  
Pakká ke bazzag o bémorádén mátá sharr nám per bastag. Békár o bérózgár  
neshtag o yaggósh wába gendit. Torsán agan hecchi magwashay, hamé  
bándát ent ke paygambariay dáwáyá bekant o begwashit ke arshá gón  
wájah Hodá hamzán butag.

اڱن نه، اے مرد کدی شَنُکان شتگ؟ کجام رمگئے راہی بستگ؟ کدی چہ پشما،  
ریشم و بندیگے رستگ؟ کدی زرے گپتگی تان آپسین گوکے بگپت؟ کدینی  
گولویے بوتگ تان پہ جاہئے بندگایی هئیران بیت؟ شدئے جتانی زور و نگیزانی  
گواتئے شہماتان، ناھودگین و ابانی زرا بُکینتگ.»

من چہ همدا شئیہ چلی و آبیئے زائے همراه اتان، چہ شئیہ چلیئے پاتراپ و بیهاران  
وتا رکینگا، شئیہ و آبیئے زال گون آیانی واب و هئیلانی گوک و گولوان وئیل  
کرتنت و دست هورک و هالیگ وتی هنکینا پر ترتان.

Agan na, é mard kadi shankán shotag? Kojám ramagay ráhi bastag? Kadi  
cha pashmá, réshom o bandikké restagi? Kadi zarré geptagi tán áposén  
góké begipt? Kadéni gólóé butag tán pa jáhay bandagái hayrán bebit?  
Shoday jennáni zór o negizzáni gwátay shahmátán, náhudagén wábáni zerá  
bokkéntag.”

Man cha hamedá Shayh Challi o áiy záláy hamráh atán, cha Shayh  
Challiay pátráp o bihárán watá rakkénagá, Shayh o áiy zál gón áyáni wáb  
o hayáláni gók o gólóán wayl kortant o dast hórk o hálig wati hankéná per  
tarretán.





## تولگئے بادشاہی

تھلین تمباک، شیرکنین ہرماگ، شپ جاہ و روج جاہ، شہرے گر و شہرے بل،  
آشکان بیدل.

ہستات روجے، ہستات روزگارے. یک روجے ملاً روباہ، بزآن روپاسک، شُدا  
گپت و جنگلا شت. پزور و تناسکین ہرے دیستی. روباہا زانت کہ وت آییآ وارت  
نکت، پمیشکا شت، گشت و پیرین شیرے کہ چہ شُدا مرکیگ ات دیستی. سلامے  
داتی و گوشتی: «جی واجہ! تنو پہ چے چُش کپتگ و نالان ائے؟»

شیرا درآینت: «پیریا گپتگ و شُدا پرتکگان.»

## Tólagay bádsháhi

Tahlén tambák, shirkenén hormág, shap jáh o róch jáh, shahré ger o shahré  
bell, áshekáne bédel.

Hastat róché, hastat rózgaré. Yak róché Mollá Róbáh, bzán Rópásk, shodá  
gept o jangalá shot. Pazzór o tanásokén haré disti. Róbáhá zánt ke wat áiiá  
wárta nakant, paméshká shot, gasht o pirén shéré ke cha shodá markig at  
disti. Salámé dáti o gwashti: “Ji wájah! Taw pa ché chosh kaptag o nálán  
ay?”

Shérá darráént: “Piriá geptag o shodá pretkagán.”

رؤباها گوشت: «واجه! اگن چُش انت، گڑا ترا یک مستاگے بدئیان. همه درگتا که من پیداک اتان، یک پزورین کرهههے آپسرا چرگا ات. اگن حکم بکنئے، من یک کارے کنان، همدا بدار، من رتوان، په تئوی کاران.»

ملا رؤباه شت و هما هری در گیتک و گوشتی: «شوم! ادا چه کنئے؟ بیا یک انچشین چراگاهے دیستگن که مگوش. کاه و سبزیگی تان کوندان انت.» هرا گلے چانکرت و گوشتی: «آچه، زوت کن و منا همودا سر کن.»

Róbáhá gwasht: “Wájah! Agan chosh ent, gorhá tará yak mestágé bedayán. Hamé dargatá ke man pédák atán, yak pazzóren korraharé ápsará charagá at. Agan hokm bekanay, man yak káré kanán, hamedá bedár, mana rawán, pa tawia kárán.”

Mollá Róbáh shot o hamá hari dar gétk o gwashti: “Shum! Edá ché kanay? Byá yak anchoshén charágáhé distagon ke magwash. Káh o sabzagi tán kóndhán ant.” Hará galé chánket o gwashti: “Acha, zut kan o maná hamódá sar kan.”

نون مُلا رُوباه پیسر و بزگین هر آییے رندا، تان شیرئے جاگھا سر بوتنت. هری یک کربیا داشت و شیرئے بُکان بُکان هرئے جاگھا آورت. شیرا بزگین هر درت و دل و جگر کشتنت.

مُلا رُوباه گوشت: «شیر واجه! اے دل و جگر پیرهری دل و جگرے نهانت، اے نازرکین دل و جگرے ورگ، یک دیمسپاییے لوٹیت، کهن نزیک انت، دست و دیمے بشود و بیا. تانکه تئو پر ترئے، من اشانی پانکیانیا کنان.»

شیر که په دست و دیمے شودگا شت، مُلا رُوباه دل و جگر وارنتت و تتک. بله زانتی که شیر رُوجے نه رُوجے، وتی اے بیرا چه آیا گیپت. پگری کرت و گون وتی گوشت: «گهتر انت تان تولگے بگلایان، جنگلے بادشاه بکنان و شیرا چه آییے بادشاهیا بترسینان.»

Nun Mollá Róbáh pésar o bazzagén har áiy randá, tán shéray jágahá sar butant. Hari yak kerréa dásht o shéri thekkán thekkán haray jágahá áwort. Shérah bazzagén har dert o del o jagar kasshetant.

Mollá Róbáhá gwasht: “Shér wájah! É del o jagar pirahari del o jagaré naant, é názorkén del o jagaray warag, yak démsapáie lóthit, kahn nazzik ent, dast o démé beshód o byá. Tánke taw pera tarray, man eshání pánpániá kanán.”

Shér ke pa dast o démay shodagá shot, Mollá Róbáhá del o jagar wártant o tat. Bale zánti ke shér róché na róché, wati é bérá cha áia gipt. Pegri kort o gón wati gwasht: “Gehter ent tán tólage begaláyán, jangalay bádsháh bekanán o shérah cha áiy bádsháhiá betorsénán.”

نون شت، تۆلگے در گیتک و گوشتی: «بیچارگین تۆلگ! تئو په چه و تا هر وهد  
رسترانی کلاگیر کرتگ؟ بیا که نون من ترا آیانی بادشاه کنان.» تۆلگا لُسهندے جت  
و گوشتی: «تۆلگ و بادشاهی؟»

Nun shot, tólagé dar gétk o gwashti: “Bécháragén tólag! Taw pa ché wata  
har wahd rastaráni kalágir kortag? Byá ke nun man tará áyáni bádsháha  
kanán.” Tólagá lostrandé jat o gwashti: “Tólag o bádsháhi?”



مُلا رُوباها پَسَّو دات: «تتو نزانے من كئے آن؟! منا گُوشنت ملا رُوباہ!. چہ منی  
دستا ہرچے بوت کنت. تتو تھنا منا یک کئولے بدئے و بسّ.»

تولگا گُوشنت: «آ چُونین کئولے؟»

گُوشنتی: «وہدے کہ من سَجَّہین رستران پہ تئی و شاتکیا کاران، تتو تھنا یک  
ساہتے دل بدار و تولگی مپولاس، کی وی وی مکن و تولگی تئوارا چہ وت در  
مگیج.»

تولگا گُوشنت: «شَرِّ انت، اے وہ آسانین کارے.»

Mollá Róbáhá passaw dát: “Taw nazánay man kay án?! Maná gwashant  
Mollá Róbáh! Cha mani dastá harché buta kant. Taw tahná maná yak kawlé  
beday o bass.”

Tólagá gwasht: “Á chónén kawlé?”

Gwashti: “Wahdé ke man sajjahén rastarán pa tai wasshátkiá kárán, taw  
tahná yak sáhaté del bedár o tólagi mapullás, ki wi wi makan o tólagi  
tawará cha wat dar magéj.”

Tólagá gwasht: “Sharr ent, é wa ásánén karé.”

مُلا رَوّاهَا گوشت: «نه، تُولگ جان! چش نه انت. شمئے تُولگانی سکتَرین کار همش انت که اے کارا کرت نکنیت. تانکه یک تُولگے دگه تُولگئے تئوارا اشکنت، گُرا وتا داشت کرت نکنت. پولّاسگ و پولّاسگا دُرکیت و بازارا دُگلگون و په دو بازار کنت. نون اگن تئو اے کئولا دات کئے، من ترا بادشاه کنان، اگن نه، منا رسترانی سئیلچار مکن و شیرئے گزبانی زهمئے دپا مدئے.»

تُولگا گوشت: «مُلا جان! اے منی بادشاهیئے هبر انت، اگن بمران هم، نپولّاسان. کئول انت، که اگن بترکان، اے کارا نکنان، تئو وت گندئے.»

نون مُلا رَوّاه سر گپت و هرچے رنگ اتنت آورتنت و گوشتی: «نون ترا انچشین چهرگ و دروشمیا دئیان که رسترانی هچ بادشاهییا نیست انت.»

Mollá Róbáhá gwasht: “Na, tólag ján, chosh naent. Shomay tólagáni sakterén kár hamesh ent ke é kára korta nakanét. Tánke yak tólagé dega tólagéay tawára eshkont, gorhá watá dásht korta nakant. Pullásag o pullásagá drekkít o bázará dogolgun o pa do bázára kant. Nun agan taw é kawlá dáta kanay, man tará bádsháha kanán, agan na, maná rastaráni saylchár makan o shéray gazabáni zahmay dapá maday.”

Tólagá gwasht: “Mollá ján! É mani bádsháhiay habar ent, agan bemerán ham, napullásán. Kawl ent, ke agan betrakkán, é kára nakanán, taw wata genday.”

Nun Mollá Róbáh sar gept o harché rang atant áwortant o gwashti: “Annun tará anchoshén chehrag o dróshoméá dayán ke rastaráni hech bádshahéa néstent.”

گڑا تُولگی سر تان پاد رنگ جت. سَرگ سبز و شپستی، راستی گوش سَرومگی و گلابی، چپی گوش گونگی و شیری، پیچوک گندمی و ناسی، گردن آسمانی و نارنجی، چمانی پشت تلاھی و کهربایی، لپونز و کلک بٹاگی، یک پھناتے بؤر و دودگ، آدگہ پھنات کلش و آکوتی، ونگئے پشت سهرچک و مَتراسی سهر، لاپئے چیر انگوری و نسواری، سینگ سیاہ و اسپیت، پشت نیل و شونز، پادئے مچ کنگاشکی و نگرھی، دست سهر و ہٹایی، پاد زرد و ہلگداری، ٹانگ کلایینچی، کونڈ سنج و دین، دُمب ہاکی و پیروزگ، دمبئے چیر گٹوازی. نون گون اے ڈٹولین رنگ و بُرے برت و بُرزین تُمپیئے سرا نندارینتی.

وت راه کپت و جنگلئے درستیگین رستری ڈاہ دات و گوشتنت: «بیایت یک رسترے بادشاہیئے داوایا کنگا انت کہ من نزانان چونینے. من وتی اُمراتیننگہ ہچ چشین جانورے گون اے بازیں رنگ و دروشما ندیستگ.»

Gorhá tólagi sar tán pád rang jat. Sarag sabz o shapasti, rásti gósh srummagi o golábi, chappi gósh gwanekki o shiri, péchók gandomi o nási, garden ásmáni o nárenji, chammáni posht teláhi o kahrabái, lapunz o kalak batthági, yak pahnáté bór o dódag, á dega pahnát kalash o ákuti, wangay posht sohrchak o matrási sohr, lápay chér anguri o noswári, sénag syáh o espét, posht nill o shunz, páday mocch kangáshki o nograhi, dast sohr o hennái, pád zard o halegdári, tháng kaláinchi, kón dh sanj o dén, domb háki o pérózag, dombay chér gawázi. Nun gón é dhawlén rang o borré bort o borzén tompéay sará nendárénti.

Wat ráh kapt o jangalay drostigén rastari dháh dát o gwashtant: “Byáét yak rastaré bádsháhiay dáwáyá kanagá ent ke mana nazánán chónéné. Man wati omrá taningah hech choshén jánwaré gón é bázén rang o dróshomá nadistag.”

گۆن مَلا رۆبَاهَئِے اے سَتَا و سَاژَاينَگان، سَجَّهين رَسْتَرَان شَعُوک زَرْت تَان اے نَوکين  
بادشاهَا بگندنت. گَزَا مِچ بَوْتنت و تَوَلگئِے جَاگَهَا شَتنت.

اَوَدا کِه سَر بَوْتنت، هَر يکَيئِے دَپ چِه هَييرتَا پِچ بَوْت کِه: «اَلله اَلله! اے چَوْنين  
جانورِے؟! اے، زَلور چِه زَميني جانوران نَه اِنْت و بزان چِه اَسْمانئِے جَنگلان کِپتَگ.  
اشيئِے بادشاهِي گُون و تِي اجَبْتين اے رَنگا مئِے سَرَا بَرهَک اِنْت.»

Gón Mollá Róbáhay é satá o sárháénagán, sajjahén rastarán shawk zort tán  
é nókén bádsháhá begendant. Gorhá mocch butant o tólagay jághá  
shotant.

Ódá ke sar butant, har yakkéay dap cha hayratá pach but ke: “Alleh, alleh!  
É chónén jánwaré?! É, zalur cha zemini jánwarán naent o bezán cha  
ásmánay jangalán kaptag. Eshiy bádsháhi gón wati ajabbatén é rangá may  
sará barhakk ent.”





شیر کہ وتی جاہا ہشکِ دار بوتگِ اَت، نَزیکِ کِنزت و اَتکِ تانِ سلامے بدنت. ہمے  
درگتا، تُولگے چہ راہا رَسْت و پوُلّاسگے سر داتی.

گُونِ اے پوُلّاسگئے تَتوارا، تُولگا و تا دگہ داشت کرت نکرت و پوُلّاسگا دُرگت.  
تانکہ پوُلّاسگی سر دات، رستران زانت کہ رُسواینِ مُلّا رُوَباہا مارا گلاتگ و رَد  
داتگ.

مُلّا رُوَباہا تانکہ شیر چارت، آییئے ہِژمی مان چہرگا دیست، دو پادی ہستِ اَت، دو  
دگہ پادی کربہ کرت و تَتک.

Shér ke wati jáhá hoshke dár butagat, nazzik kenzet o átk tán salamé  
bedant. Hamé dargatá, tólagé cha ráh raset o pullásagé sar dátí.

Gón é pullásagay tawará, tólagá watá dega dásht kort nakort o pullásagá  
drekket. Tánke pullásagi sar dát, rastarán zánt ke roswaén Mollá Róbáhá  
márá galátág o rad dátág.

Mollá Róbáhá tánke shér cháret, áiy hezhmi mán chehragá dist, do pádi  
hastat, do dega pádi keréh kort o tatk.



بيچارگين ٽولگ آت و سڄھيناني چپانٽ و دہزا کہ: «اُڙه، ايٽٽ انت، ايٽٽ انت ترا، کہ مٿا روباھا ترا اے ڏٿولا رد دات، نالت انت مٿا روباھا کہ ٽولگ رنگ جنت و شيراني جاھا شاه کنت. سد نالت انت په ما کہ یک امرے مٿاين روباھاني ھبر زرتگ و آياني پدا کپتگين.»

رستراني جرگه و ديوانا من چه همدا گون اتان، پر ترگئے وهدا مٿا روباھا منا کُگُڙے سئوگات دات، کُگُڙ من شپا وتي گرتوپئے سرا اِشت، بله ٽولگيا دزٽ و وارت.

Bécháragén tólag at o sajjahénáni chapánth o dehzá ke: “Orhe! Itth ent, itth ent tará, ke Mollá Róbáhá tará é dhawlá rad dát, nálat ent Mollá Róbáhá ke tólag ranga jant o shéráni jáhá sháha kant. Sad nálat ent pa má ke yak omré molláén róbáháni habar zortag o áyáni padá kaptagén.”

Rastaráni jergah o diwáná man cha hamedá gón atán, per tarragay wahdá Mollá Róbáhá maná kokkorhé sawgát dát, kokkorh man shapá wati gertupay sará esht, bale tólagéá dozzet o wárt.

## گوسکا کئے بندیت؟

تھلین تمباک و شیرکنین ہرماگ، شپ جاہ و روچ جاہ، شہرے گر و شہرے بل،  
آشکان بیدل.

ہستات روچے، ہستات روزگارے، ہستات جنے و مردے. جنا گوانک جت:  
«مرد! ہئیٰ کن، اے گوسگا گر و بند کن، مردمانی پچی پھک وارتنت. انون کاینت  
و دھزان کننت.»

مردا دیم ترینت: «جن! چہ مروچیک و گدار، من دگہ گیشتر گوسکا بست نکنان.  
اگن نہ، بیا کہ بے و شرت بندین.»

جنا گوشت: «چونین بے بندین؟ وتی گوسکے بندگا ہم، بے و شرتے ہستانت؟»

## Gwaská kay bandit?

Tahlén tambák o shirkenén hormág, shap jáh o róch jáh, shahré ger o  
shahré bell, áshekáne bédel.

Hastat róché, hastat rózgáré, hastat jané o mardé. Janá gwánk jat: “Mard!  
Haiyá kan, é gwaská ger o band kan, mardománi pocchi pahk wártant.  
Annuna káyant o dehzáena kanant.”

Mardá dém tarrént: “Jan! Cha maróchig o godár, man dega geshter gwaská  
basta nakanán. Agan na, byá ke bay o sharta bandén.”

Janá gwasht: “Chónén baya bandén? Wati gwaskay bandagá ham, bay o  
sharté hastent?”

مردا درآينت: «هئو! چه مروچيگ و گدار، هست انت.»

جنا گوشت: «گزا آبئے چي انت؟»

مردا ديم ترينت: «هرکسا که پيسرا هبر کرت، آيا گوسکئے بندگ ابر انت.»

Mardá darráent: “Haw! Cha maróchig o godár, hastent.”

Janá gwasht: “Gorhá á bay chi ent?”

Mardá dém tarrént: “Harkasá ke pésará habar kort, áia gwaskay bandag abor ent.”



جنا هم گون نادلکشی اے بے مینت و رندا، دوین بے ترک و تئوار نشتنت. ساہتے  
بے تئوار بوتنت و چہ اے بے تئواریا رندا، مردا کایگر چہ بنجاہا بوتکنت و دیم پہ  
شہر و کشاران رها دگ گپت.

زہرئے نژیکا، مردے کہ چہ وتی راہا گسر بوتگأت، چہ اوڈا گوست. دور دورا،  
دیستی کہ مردے زمین شوم کنت. گون کوکارے تئواری پر جت: «اُھی، اُھی ناکو!»  
هرچنت کہ تئواری کرت، پسئوے نہ اشکتی.

نون گوشتی: «بل تان کُمکے دیمترا برئوان.» نژیکتر آتک و پدا ہمینچک تئواری  
کرت کہ پیشا کرتگ آتی. بلہ دگہ ہم پسئوے نہ اشکتی.

Janá ham gón nádelkasshi é bay mannet o randá, doén bé trekk o tawár  
neshtant. Sáhaté bétawár butant o cha é bétawáriá rand, mardá káigar cha  
banjáhá bótkant o dém pa shahr o keshárán **rahádag gept.**

Zohray nazziká, mardé ke cha wati ráhá gesar butagat, cha ódá gwast. Dur  
durá, disti ke mardé zemin shóma kant. Gón kukkáré tawári per jat: “Ohoy,  
ohoy náko!” Harchont ke tawári kort, passawé naeshkoti.

Nun gwasthi: “Bell tán kammoké démterá berawán.” Nazzikter átk o padá  
haminchoke tawári kort ke péshá kortagati. Bale dega ham passawé  
naeshkoti.

مردا هئیال کرت بلکین کر انت. گون وتی گوشت: «پل تان برئوان و گوشے توکایی  
چیتکے بکشان.»

نون آتک و سری مردے گوشان برت و کوکاری کرت: «او ناکو، او واجه! دن  
کلمانی راه چه کجا انت؟»

دگه هم مردا هچ ننگ نکرت. اے رندا، مردی بگل کرت و ترندی ژامبلینت و چیهالی  
کشت و جستی کرت: «هان مرد! زانا، تئو کر ائے؟ من هر چه جست گران پسئو  
ندئیے؟»

مردا دگه هم ننگ نکرت و گوکانی هئے کنگا درکرت و شومئے پلی گپت و گوکی  
چهر داننت. رهگوزا هئیرت کرت که بارین اے مرد کر انت یا گنگ و لیل؟

Mardá hayál kort balkén karr ent. Gón wati gwasht: “Bell tán berawán o  
góshay tókái chétké bekasshán.”

Nun átk o sari marday góshán bort o kukkári kort: “Oo náko, oo wájah!  
Dhann Kalamáni ráh cha kojá ent?”

Dega ham mardá hech notthag nakort. É randá, mardi bagal kort o trondi  
zhámbalént o chiháli kasshet o josti kort: “Hán mard! Záná, taw karr ay?  
Man harché josta gerán passawa nadayay.”

Mardá dega ham notthag nakort o gókáni hay kanagá drekket o shómay  
pali gept o góki chahr dátant. Rahgwazá hayrat kort ke bárén é mard karr  
ent yá gong o lell?

پہ آئیے کربے چکاسگا، وتسربن چیتک و کوکارے کشتی، مردا یکبرا چک جت .  
نون زانتی کہ کر نہ انت. تان گرا سک زهر گپت و تئواری پر جت: «او مرد! اگن  
اے رندا منی جستا پسئو مدئیے، پہ اے سئوگند انت کہ مُشث و لگتت جنان.»

گرا دیما کنزت و جستی کرت: «ڈن کلمانی راہ چہ کجا انت؟»

مردا کہ پسئو ندات، ترہپگا ترندیں شہماتے جتی . دگہ ہم مردا نٹگ نکرت . نون  
گوشتی: «کسم انت، اگن اے آہری رندا منی جستا پسئو مدئیے پشک و شلوارات  
کشان و رئوان. بل تان شر بر سر و شہری چرک بے.»

Pa áiy karriay chakkásaga, watsarén chétk o kukkáré kassheti, mardá  
yakbará chakk jat. Nun zánti ke karr naent. Tán gorhá sakk zahr gept o  
tawári per jat: “Oo mard! Agan é randá mani jostá passaw madayay, pa é  
sawgand ent ke mosht o lageteta janán.”

Gorhá démá kenzet o josti kort: “Dhann Kalamáni ráh cha kojá ent?”

Mardá ke passaw nadát, trahpagá trondén shahmáté jati. Dega ham mardá  
notthag nakort. Nun gwashti: “Kasam ent, agan é áheri randá mani jostá  
passaw madayay, pashk o shalwáraeta kasshán o rawán. Bell tán sherr bar  
sar o shahri cherrek bay.”

دگه هم مردا پسئو ندات. گڑا رهگوزا دست مان مردئے نشپیل و آهنجگا کرت و آییئے شلوار کشت و جامگ هم چه گورا در کرت. یک و دو چلاپکی جت و گوشتی: «تئی دوا همیش انت. اهمک! هرام بات، گوکان هم نگوشیت هجے. نرانان، بارین کنگ انت؟»

آهرسر، رهگوزا مردئے پُچ زرتنت و شت.

چه آییئے رتوگا و رند، جنا کابلہ و دیڑے سرا ات و چه دور پیداک ات. چمی که په مردا کپنتت چه هئیرتا هبکه منت و چیهالے کرتی: «مردک! ترا چه بلاه انت؟ په چه چش لوچ و مادرزاد ائے؟ په چه و تا چش رسوا کرتگت؟ ترا چه بلاه بوتگ که اے ڈئولا شر بر سر بازار ائے؟»

Dega ham mardá passaw nadát. Gorhá rahgwazá dast mán marday neshpil o áhenjagá kort o áiy shalwár kasshet o jámag ham cha gwará dar kort. Yak o do chalápaki jat o gwashti: “Tai dawá hamesh ent. Ahmak! Harám bát, gókán ham nagwashit hajé. Nazánán, bárén gong ent?”

Áhersar, rahgwazá marday pocch zortant o shot.

Cha áiy rawagá o rand, janá káblah o dézé sará at o cha dur pédák at. Chammi ke pa mardá kaptant cha hayratá habakkah mant o chihálé korti: “Mardak! Tará che baláh ent? Pa ché chosh luch o mádarzád ay? Pa ché watá chosh rosawá kortaget? Tará che baláh butag ke é dhawlá sherr bar sare bázár ay?”



مردا دگه هم هچ نگوشت. جن نژیکتر آتک و گون بُرزین چیهالے تئواری جت:  
«شوھترونین مردک! زانا، کَر و گنگ ائے؟»

مردا یکبرا گون کندانین دپے که تئو گوشتے چه سوریا آتکگ، گوشت: «أُھی، أُھی  
جن! سرئے کلاھت منی، که بئے من برت. انون دگه شور مور، مسر که من شرت  
برت. ترا نون هر وهدا گوسک بندگ پر کپت.»

Mardá dega ham hech nagwasht. Jan nazzikter átk o gón borzén chihálé  
tawári jat: “Shuhtarunén mardak! Záná, karr o gong ay?”

Mardá yakbará gón kandánén dapé ke taw gwashay cha suréa átkag,  
gwasht: “Ohoy, ohoy jan! Saray koláhet mani, ke bay man bort. Annun  
dega shór mawar, masor ke man shart bort. Tará nun har wahdá gwask  
bandag per kapt.”



جنا پنچ مان آییئے سرا جنتت و گوشتی: «شَرِّ اِنْت، شَرِّ اِنْت، شَرِّ تَتُو بَرْت، گوسکا  
هر وهد منَ بندان، بله بگوش تتو په چه چُش شَرِّ بر سرِ بازار ائے؟»

مردا گوشت: «جن! کِسْها بِل، مردے چه بنت پیداک ات و منا دُن کَلْمانی راهی  
جُست گپت. من هچ نگوشت که بلکین گوسک بندگن پر بییت. دگه چُنْت گشتا چه  
من همے جُستی کرت، بله من نُتگ نکرت. نون منا لهتین شَک و شهماتی کرت و  
گورئے پُچ چه منی جانا کشتنت و شت. من اے سَجْهین وهدا، ننگار و شومئے چیرا  
تنتنا گوک هَجے هم نگوشتنت.»

جنا پدا پنچ مردئے سرا جنتت و گوشتی: «زار په تئیی سرا بات!» دستی گیر و پنچ  
کرتنت و گوشتی: «بزور! پنچت سرا بات! مردکه! تتو گون من شرتبندی کرتگ، نه  
گون آلمئے مردم و جهائے دلوتان. تئیی شرت گون من بوتگ، گوکانی هَجے کنگئے  
بدلا، آیان په چه اینچک جنئے؟ زوت کن، گون منی سربگا چرکے بند که آبروے  
په ما نَمْت.»

Janá panch mán áiy sará jatant o gwashti: “Sharr ent, sharr ent, shart taw  
bort, gwaská har wahd mana bandán, bale begwash taw pa ché chosh sherr  
bar sare bázár ay?”

Mardá gwasht: “Jan! Kessahá bell, mardé cha Bent pédák at o maná Dhann  
Kalamáni ráhi jost gept. Man hech nagwasht ke balkén gwask bandagon  
per bebit. Dega chont gashtá cha man hamé josti kort, bale man notthag  
nakort. Nun maná lahtén shakk o shahmáti kort o gwaray pocch cha mani  
jáná kasshetant o shot. Man é sajjahén wahdá, nangár o shómay chérá  
tantaná gók hajé ham nagwashtant.”

Janá padá panch marday sará jatant o gwashti: “Zár pa tai sará bát!” Dasti  
girr o panch kortant o gwashti: “Bezur! Panchet sará bát! Mardaka! Taw  
gón man shartbandi kortag, na gón álamay mardom o jahánay dalwatán.  
Tai shart gón man butag, gókáni hajé kanagay badalá, áyán pa ché inchoka  
janay? Zut kan, gón mani sarigá cherreké band ke ábrué pa má namant.”

مردا گوشت: «هئو، بِلّ کہ منا هر چے بییت، بله ترا گوسکئے بندگ پر انت.»

جنا ترندیّن کندگے جت و گوشتی: «پوش کَلِکّان، گوادری لگان، مندی بچگان، کیچی جنگان، جی هئو! منا گون تئی اے رسواییا بزبان گوسکئے بندگ پر بوت. بله مهربانی کن، اے دُرچکانی پُشتا وتا چیر دئے و پناه کن، تان من بازارا برئوان و په تئو جامگ و شلوارے بیاران.»

من چه همدان گون اتان، منا داتش زرے، زرّ من کرت هرے، هرّ جُرا کپت و مرت و من وتی چادر چنڈت و بڈا کرت و دست هورک و هالیگ پر ترّت و لوگا آتکان.

Mardá gwasht: “Haw, bell ke maná har ché bebit, bale tará gwaskay bandag per ent.”

Janá trondén kandagé jat o gwashti: “Pusshe kalekkán, Gwadari lekkán, Mandi bachakkán, Kéchi jenekkán, ji haw! Maná gón tai é roswáia bezán gwaskay bandag per but. Bale mehrabáni kan, é drachkáni poshtá watá chér day o panáh kan, tán man bázará berawán o pa taw jámag o shalwáre byarán.”

Man cha hamedá gón atán, maná dátesh zarré, zarr man kort herré, herr jorrá kapt o mort o man wati cháder chandhet o baddhá kort o dast hórk o hálig per tarret o lógá átkán.



## واجه پنچکُش

تھلین تمباک، شیرکنین ہرماگ، شپ جاہ و رُچ جاہ، شہرے گر و شہرے بل،  
آشکان بیدل.

ہستات رُچے، ہستات رُزگارے، ہستات مردے کہ نامی واجہ پنچکُش ات۔  
آیک بے وس و نیزگارین مردے ات، کہ وتی رُچ و رُزگاری یک ہلکیا، پہ مز و  
پوریاگری گوازنت.

## Wájah Panchkosh

Tahlén tambák, shirkenén hormág, shap jáh o róch jáh, shahré ger o shahré  
bell, áshekáne bédel.

Hastat róché, hastat rózgáré, hastat mardé ke námi Wájah Panchkosh at. Á  
yak béwass o nézgáren mardé at, ke wati róch o rózgári yak halkéá, pa  
mozz o puryágeria gwázént.

یک روچے، وھدے کہ واجہ پنچکُش گسا آتک و رست، آییئے چم پنچ مُشکانی سرا کپت کہ گڑوئیئے تها مرتگ انت. مُشکی چه گڑوا در کرتنت، وتی جنی توار کرت و گوشتی: «زانا، تئو نرائے منی نام واجہ پنچکُش انت؟ من کدی انت آتکگان و تئو منا آپ و نگیئے جُستا هم نکنے؟»

Yak róché, wahdé ke Wájah Panchkosh gesá átk o raset, áiy chamm panch moshkání sará kapt ke garhóey tahá mortagant. Moshki cha garhóá dar kortant, wati jani tawár kort o gwashti: “Záná, taw nazánay mani nám Wájah Panchkosh ent? Man kadi ent átkagán o taw maná áp o naganéay jostá ham nakanay?”



لٹی زرت و پہ جنئے جَنگا پاد آتک. جنا وتی مردَ زانت، شیوار و هُزارِبَن جنینے  
 ات. پمیشکا دستی بست و گوشتی: «بے شک کہ تئی نام واجه پنچکُش انت، چیا  
 کہ آپنچین مُشک تئو جتگ و کُشتگ انت. آدگه یک مُشکے ہم جت نکنت و تئو  
 پنچ دانگ یکجہ جتگ و کُشتگ. من چون ترا نمَنان! بژن انت کہ اے مُلکئے بادشاہ  
 و آبیئے راج ترا پچّاه نیارنت و درست نکنت. اگن اے جاگھئے بدلا، تئو دگه  
 بادشاہیئے مُلکا بوتینئے، تئی کدرش باز گیشترَ زانت و من ہم آسودگ و آسرات  
 بوتان.»

واجه پنچکُشا وتی جنئے اے ڈٹولین ستا و ساڑاینگ سک و ش بوتنت، باوری کرت  
 و وتی دلا گوشتی: «پہ راستی، من ہمے ڈٹولین مردے آن و اے وژین ستایان  
 کرزان.»

Latthi zort o pa janay janagá pád átk. Janá wati marda zánt, shiwár o  
 hozzhárén janéné at. Paméshká dasti bast o gwashti: “Béshakk ke tai nám  
 Wájah Panchkosh ent, chiá ke á panchén moshk taw jatag o koshtagant. Á  
 dega yak moshké ham jata nakanant o taw panch dánag yakjáh jatag o  
 koshtag. Man chón tará namannán! Bazhn ent ke é mol kay bádsháh o áiy  
 ráj tará pajjáha nayárant o drosta nakanant. Agan é jágahay badalá, taw  
 dega bádsháhéay molká buténay, tai kadresh báz géshtera zánt o man ham  
 ásudag o ásráta bután.”

Wájah Panchkoshá wati janay é dhawlén satá o sárháénag sakk wassh  
 butant, báwari kort o wati delá gwashti: “Pa rásti, man hamé dhawlén  
 mardé án o é warhén satáyána karzán.”

نزانتي كه جنا ملنڊ ڪرتگ و په ڪلاگ زرتگ و اے ڪلاگ يك روچے په آييا بلاه  
بنت. واجه پنچڪش چه همے ستايان گرم گپت، يك پادئے سرا اوشتات كه: «اے  
شھرا بلين و دگه بادشاهي ملڪيا برئوين.»

هرچے كه جنا اينگر و آنگر ڪرت واجه پنچڪشا نمئت. نون جن بے وس بوت و وتي  
نپاد و بونڊڪي زرت و هرئے سرا ڪرتنت و هر دو چه اے شھرا دييم په دگه شھرے  
رھادگ گپنت.

دگه بادشاهيے ملڪا آتڪ و رستنت. په وت يك ڪڏلے بست و چڪش ڪرت. اے  
شپش روچ بوت و بامگواھا واجه پنچڪشا وتي برؤت چرپ ڪرت و تاب دانتت.  
بادشاهيے ديوانا شت، ڪمرزانيگے بستي و نشت.

Nazánti ke janá malandh kortag o pa kalág zortag o é kalág yak róché pa  
áiá baláha bant. Wájah Panchkosh cha hamé satáyán garm gept, yak páday  
sará óshtát ke: “É shahrá bellén o dega bádsháhi molkéa berawén.”

Har ché ke janá ingor o ángor kort Wájah Panchkoshá namannet. Nun jan  
béwass but o wati nepád o bunddhaki zort o haray sará kortant o har do cha  
é shahrá dém pa dega shahré **rahádag geptant.**

Dega bádsháhéay molká átk o rasetant. Pa wat yak koddholé bast o jekkesh  
kort. É shapesh róch but o bámgwáhá Wájah Panchkoshá wati barót charp  
kort o táb dátant. Bádsháhay diwáná shot, kamarzánigé basti o nesht.



بادشاها وشاتك كرت و نامى جُست گپت. واجه پنچكُشا وتى نام گوشت. بادشاها آيئى چُشين نامئى مانا جُست كرت. آييا درآينت كه: «من پنچ مزار يكجاه يك رُچى جتگ كُشتگانَت.» بادشاها سگ و ش بوت و پنچ مردئى پگارى په آييا بكشات.

Bádsháhá wasshát k kort o námi jost gept. Wájah Panchkoshá wati nám gwasht. Bádsháhá áiy choshén námay máná jost kort. Áiá darráént ke: “Man panch mazár yakjáh yak róché jatag koshtagant.” Bádsháhá sakk wassh but o panch marday pagári pa áiá bakshát.



نون واجه پنچکُش په یک ٹهل و شانے گسا شت و وتی سجھین هال و هوالی په جنا سر کرتنت. هما بیگاها ماژیانی بانبندین اُستاد لوٹنت و یک ماژیئے بندگا هُکم دانتت. چیزے زری هم پیسرا دانتت که چه سباها باید انت ماژیئے بندگا گلایش بنت. نون واجه پنچکُشا هر رُچ وتی برُوت چرپ و چنگ کرتنت و بادشاهئے دیوانا شت.

یک رُچے نگهپانا بادشاه هال دات: «چیزے وهد انت که اسپانی سرا مزارے کپتگ. هر شپ کئیت و دو سئے کُرگ گپت و وارت.»

بادشاهئے وزیر و وکیلان گون وت شُور کرت، تان بادشاها بگوشنت: «په اے مزارئے گرگ و کُشگا، واجه پنچکُشا هُکم بکن، که آپنچ مردئے پگارا مُپتا گپت و وارت.»

Nun Wájah Panchkosh pa yak thahl o sháné gesá shot o wati sajjahén hál o hawáli pa janá sar kortant. Hamá bégáhá márhiáni bánbandén ostád lóthetant o yak márhiéay bandagá hokm dátant. Chizzé zarri ham pésará dátant ke cha sabáhá báyard ent márhiay bandagá goláésh bant. Nun Wájah Panchkoshá har róch wati barót charp o changa kortant o bádsháhay diwáná shot.

Yak róché negahpáná bádsháh hál dát: “Chizzé wahd ent ke aspáni sará mazaré kaptag. Har shapa kayt o do say korrage gipt o wárt.”

Bádsháhay wazir o wakilán gón wat shawr kort, tán bádsháhá begwashant: “Pa é mazáray gerag o koshagá, Wájah Panchkoshá hokm bekan, ke á panch marday pagará moptá gipt o wárt.”

بادشاها پنچکُش لوٽت و گوشتی: «یک مزارے هیل گپتگ، هر شپ کئیت و چه شاهی اسپانی کُرگان دو سئے دانگ گپیت و وارت. ابید چه تنو، وتی دربارا دگه مردے نگندان که مارا چه اے بلاها بچئینیت.»

واجه پنچکُشا وتی برۆت تاب دانت و گوشتی: «او بادشاه! اے وه کارے نهانت، چه اشیا مسترین کار هم په من هچ نهانت. مردے که چه پنچ مزارے کُشکا بچ نوارت و ٽپیگ نبیت، اے یکن مزارے کُشگ په آیا کارے نهانت.»

دیوانا جس دات و شاباش کرت. گڑا دیوان پرشت. واجه پنچکُش ملان ملان دیم په گسا شت. گون رسگا، لٽی زرت و جنئے جنگا پاد آتک.

Bádsháhá Panchkosh lóthet o gwashti: “Yak mazáré hél geptag, har shapa kayt o cha sháhi aspáni korragán do say dánaga gipt o wárt. Abéd cha taw, wati darbára dega mardé nagendán ke mára cha é baláhá bechotthénit.”

Wájah Panchkoshá wati barót táb dátant o gwashti: “Oo bádsháh! É wa káre naent, cha eshiá masterén kár ham pa man hech naent. Mardé ke cha panch mazáray koshagá bajja nawárt o thappiga nabit, é yakkén mazáray koshag pa áia káre naent.”

Diwáná jass dát o shábásh kort. Gorhá diwán prosh. Wájah Panchkosh mallán mallán dém pa gesá shot. Gón rasagá, latthi zort o janay janagá pád átk.

جنا گوشت: «ترا چۆن إنت که وش و ودانکا منی جنگا لاکارے؟»

آییا گوشت: «جن! تئو منا چُش وار و درپدر کرتگ. اگن تئو منی نام واجه پنچکُش مه‌اشتین و آ و سپ و ستا مکرترین‌انت، مروچی اے بلاه منی سرا نکپت.»

جنا گوشت: «نون گپ چی إنت؟»

گوشتی: «تئی شامگوری! مروچی بادشاهها گوشتگ که یک مزارے هر شب کثیت و آییے اسپانی کرگان وارت. نون منا په آییے گرگا هکم داتگی و لوٹیت په هر داب منتگ، مزارا زندگها بگران و بیاران. او نزانترین جن! منی پت و پیرکان کدی مزارے زندگها گپتگ تان منی باریگ بیت؟»

Janá gwasht: “Tará chón ent ke wassh o wadánká mani janagá lákáray?”

Áiá gwasht: “Jan! Taw maná chosh wár o darpadar kortag. Agan taw mani nám Wájah Panchkosh maeshtés o á wasp o satá makorténant, maróchi é baláh mani sará nakapt.”

Janá gwasht: “Nun gapp chi ent?”

Gwashti: “Tai shámgórrí! Maróchi bádsháhá gwashtag ke yak mazaré har shapa kayt o áiy aspáni korragána wárt. Nun maná pa áiy geragá hokm dátagi o lóthit pa har dáb mantag, mazará zendaghá begerán o byarán. Oo nazántén jan! Mani pet o pirokán kadi mazaré zendaghá geptag tán mani bárig bit?”

جنا درآينت: «بادشاه ترا پنچ مردے پگارا مپتا ندنت. آ رۆچ که من ترا گوشت، تنو نمّنت و پادت یک کعوشا کرتنت که من مزارکشانی بیچ آن. په منی جنگا لئت چت و پاد آتکے و لڈ و بار کنگے هکمت دات. نون که اینچک زر گرے باید انت که بادشاهے هکما بمنئے.»

نون واجه پنچکش تپا گیت و گوشتی:  
«زوت کن، منا نیاد و لهیے پر دے که تپیگ آن.»

بله جنا دلبدی دات و گوشت:  
«زوت کن، هرے در گیج، تان وتی بار و بنگا بلدین و چه ادا برئوین.»

Janá darráent: “Bádsháh tará panch marday pagára moptá nadant. Á róch ke man tará gwasht, taw namannet o pádet yak kawshá kortant ke man mazárkosháni bacch án. Pa mani janagá latthet chet o pád átkay o laddh o bár kanagay hokmet dát. Nun ke inchok zarra geray báyard ent ke bádsháhay hokmá bemannay.”

Nun Wájah Panchkosh tapá gept o gwashti:  
“Zut kan, maná nepád o lehépé per day ke tapig án.”

Bale janá delbaddhi dát o gwasht:  
“Zut kan, haré dar géj, tán wati bár o bonagá beladdhén o cha edá berawén.”

واجه پنچکُش شپنیمَا په هرېئې پد جنګا شت. چه کزا، اے هما وهد ات که مزار هم  
په کُرګانی وَرګا آتک. اناگت گون واجه پنچکُشا ڈیکي وارت. بله شپ تهار ات و  
پنچکُشا په شرې نديست. آييا پگر کرت بلکين هرے. گون هلگر و هلباش، دستي  
جت و هر دوین گوشي سگ مھر داشتنت. کشکاني کرت و لوگا برتي.

جنا گوانک جت: «گون زمزिला مھري بند، مسنديت و مرئوت که باندا هئيران بين.»

Wájah Panchkosh shapnémá pa haréay pad janagá shot. Cha kazá, é hamá  
wahd at ke mazár ham pa korrágáni waragá átk. Anágat gón Wájah  
Panchkoshá dhikki wárt. Bale shap tahár at o Panchkoshá pa sharri nadist.  
Áiá pegr kort balkén haré. Gón halgar o halabásh, dasti jat o har doén góshi  
sakk mohr dashtant. Kasshakáni kort o lógá borti.

Janá gwánk jat: “Gón zamzilá mohri band, masendit o marawt ke bándá  
hayrána bén.”

واجه پنچکُشا هم دست و پادی گون زمزِيل مُهر بستنت. مزارا وتی دلا گوشت: «اے  
چونین بلاھے کہ منی گوشي هرِيے ڈولا گپنتت و گر کنان په اے آسانی آورت و  
بست؟!»

یک وهدے جن پاد آتک تان بزگین هرا کاه و کدیمے بدنت، تان یکبرا چمی په مزارا  
کپت. سٹے کرتی و تُرسی جانا نِشت، بله وتی ترسی چه پنچکُشا چیر دات و وپت.

Wajah Panchkoshá ham dast o pádi gón zamzil mohr bastant. Mazará wati delá gwasht: “É chónén baláhé ke mani góshi haréay dhawlá geptant o gerr kanán pa é ásáni áwort o bast?!”

Yak wahdé jan pád átk tán bazzagén hará káh o kadimé bedant, tán yakbará chammi pa mazará kapt. Setthé korti o torsi jáná nesht, bale wati torsi cha Panchkoshá chér dát o wapt.

روٽڪا، وهدي كه واجه پنچڪش چه و ابا پاد آتڪ و ڏٽا در بوت، چمي كه په مزارا  
 ڪپت، زانتي كه آيا هرئ جاها هما مزار گپتگ. جاني لرزگا لگت. زوت شت لهيپ  
 و نپادي هاچ ڪرت و وپت، بله و اب نڪپت. جنا هر چه دلبدئي و دلجمي دات، آيا  
 نمٽ و گوشتي: «منا ترسيت.»

Róthekká, wahdé ke Wájah Panchkosh cha wábá pád átk o dhanná dar but,  
 chammi ke pa mazará kapt, zánti ke áia haray jáhá hamá mazár geptag. Jáni  
 larzagá lagget. Zut shot lehép o nepádi hách kort o wapt, bale wáb nakapt.  
 Janá har ché delbaddhi o deljami dát, áia namannet o gwashti: “Maná  
 torsit.”





سُہبے سرا، جنا مردمے کلالتا رتوان کرت تان بادشاہا بگوشنت کہ واجہ پنچکُشا  
 مزار گپتگ، بیاینت و آییَا ببرنت۔ چیا کہ واجہ پنچکُشا دوشی چہ مزارے جنگا دم  
 برتگ و نون وپتگ و وت آتک نکنت۔

اے ہال کہ بادشاہا سر بوت گون وتی درستیگین وزیر و گزیران واجہ پنچکُشے  
 جاگھا آتک۔ مزارش دیست کہ آییے ماڑیے کُشا یک کرے گون زمزیل بستگ۔  
 مزارش بوٹک و برت۔

بیگاہا واجہ پنچکُشا وتی پُچ و دریس بدل کرتنت، بروتی چرپ کرت و بادشاہے  
 بارگاہا شت۔ بادشاہ، گون وزیر و گزیران پہ آییے دیما پاد آتک و چہ دیوانے ہر  
 کش و کرا، جس و شاباش مچت۔ نون بادشاہا دہ مردے انام پہ واجہ پنچکُشا دات  
 و بکشات۔

Sohbay sará, janá mardomé kalátá rawán kort tán bádsháhá begwashant ke  
 Wájah Panchkoshá mazár geptag, byáyant o áiyá bebarant. Chiá ke Wájah  
 Panchkoshá dóshi cha mazáray jangá dam bortag o nun waptag o wat átka  
 nakant.

É hál ke bádsháhá sar but gón wati drostigén wazir o gazirán Wájah  
 Panchkoshay jágahá átk. Mazáresh dist ke áiyay márhiay kashá yak kerré  
 gón zamzil bastag. Mazáresh bótk o bort.

Bégáhá Wájah Panchkoshá wati pocch o darés badal kortant, baróti charp  
 kort o bádsháhay bārgáhá shot. Bádsháh, gón wazir o gazirán pa áiyay déma  
 pād átk o cha diwánay har kash o kerrá, jass o shábásh macchet. Nun  
 bádsháhá dah marday anám pa Wájah Panchkoshá dát o bakshát.

لهتین روچا و رند، مردمان بادشاہ ہال دات: «چنت شپ انت کہ ہپت دُز و رہگیر  
 هر شپ شہرا رچنت و دکان و گسان جننت و پلنت.» اے دگہ روچا بادشاہا واجہ  
 پنچکش لوٹت. پہ دُز و رہگیرانی گِرگ و جَنگا ہکم دات.

واجہ پنچکش دگہ تپا گپت، بڑگ و لُنت ہشک جنئے کِرا آتک و پہ آبیئے جَنگا  
 لاکارتی. جنا گون ترس و لرزے ہال و ہئوال کرت و واجہ پنچکششا وتی نوکین  
 گرپتاری گوشت. جنا درائنت: «گم مکن! برئو ملکئے باپاریا پنجاہ کلدار بدئے و  
 آبیئے گد و پُچان گون ہرجینا، پہ یک روچے بگر.»

واجہ پنچکششا جنئے ہبر زرت و باپاریئے پُچ و ہرجینی آورتنت. نون جنا آرت تر  
 کرت و کمے زہری مان آرتان ریٹک. بازیں روگنی نانے ہم پتکی و ہرجینئے تھا  
 اشتنت. پُچی ہم واجہ پنچکشئے گورا دانتت. واجہ پنچکش دیم پہ یک نیمگے سر  
 گپت و شت.

Lahtén róchá o rand, mardomán bádsháh hál dat: “Chont shap ent ke hapt  
 dozz o rahgir har shap shahrá rechant o dokkán o gesána janant o polant.”  
 É dega róchá bádsháhá Wájah Panchkosh lóthet. Pa dozz o rahgiráni gerag  
 o janagá hokm dát.

Wájah Panchkosh dega tapá gept, bazzag o lonth hoshk janay kerrá átk o  
 pa áiy janagá lákárti. Janá gón tors o larzé hál o hawál kort o Wájah  
 Panchkoshá wati nókén gereptári gwasht. Janá darráént: “Gam makan!  
 Beraw molkay bápáriá panjáh kalladár beday o áiy god o pocchán gón  
 horjiná, pa yak róché beger.”

Wájah Panchkoshá janay habar zort o bápáriay pocch o horjini áwortant.  
 Nun janá árt tarr kort o kammé zahri mán ártán rétk. Bázén rógeni náné  
 ham patki o horjinay tahá eshtant. Pocchi ham Wájah Panchkoshay gwará  
 dátant. Wájah Panchkosh dém pa yak némagé sar gept o shot.

آنچش رٿوگا آت كه اناگت راها گون هپتین دزان دُچار كپت. آیان كه واجه پنچكش گون آپُچ و دريسان و آهُرجینا دیست، گوشتش: «آله بچه، بگریت كه باپاریے گون پَرین هُرجینے.» سگ گل گپتنت. دُزان اُرش و اُترم كرت و واجه پنچكش گپت و بست.

هُرجین جهل ایر گیتك و درستیکین نانش وارنتت. زهرا وتی كار كرت و هر هپتین دُز مرتنت. واجه پنچكش هم مهتل نبوت و هر هپتینانی سر زرتنت و دیم په میتگا بیړئوی كرت و رست.

Anchosh rawagá at ke anágat ráhá gón haptén dozzán dochár kapt. Áyán ke Wájah Panchkosh gón á pocch o darésán o á horjiná dist, gwashtesh: “Alleh bacha, begerét ke bápárié gón porrén horjiné.” Sakk gal geptant. Dozzán orosh o otrom kort o Wájah Panchkosh gept o bast.

Horjin jahl ér gétk o drostigén nánesh wártant. Zahrá wati kár kort o har haptén dozz mortant. Wájah Panchkosh ham mahtal nabut o har hapténáni sar zortant o dém pa métagá bérawi kort o raset.



شپ گوست و روچ بوت. سباھا پہ یک گل و بالے بادشاہے دربارا شت. درود و درھباتے کرتی و گوشتی: «او بادشاہ! من هر هپتین رھزن کشتنت.» بادشاہ باز وش بوت و چہ هر نیمگا جس و شاباش بُرز بوت. بادشاھا نون بیست مردے پگار پہ واجہ پنچکشا بکشات.

یک روچے، دگہ ملکیے بادشاھا اے ملکے بادشاہ پہ جنگ و مڑا گواچارنت. بادشاھا ڈاھ پرننت، وزیر و گزیر هکم کرتنت تان گون واجہ پنچکشے ہمراھیا پہ جنگے سمبارگا، راہ و چارگے در بگیجنت.

Shap gwast o róch but. Sabáhá pa yak gal o bálé bádsháhay darbárá shot. Drud o drahbáté korti o gwashti: “Oo bádsháh! Man har haptén rahzan koshtant.” Bádsháh báz wassh but o cha har némagá jass o shábásh borz but. Bádsháhá nun bist marday pagár pa Wájah Panchkoshá bakshát.

Yak róché, dega molkéay bádsháhá é molkay bádsháh pa jang o merhá gwájárént. Bádsháhá dháh perrént, wazir o gazir hokm kortant tán gón Wájah Panchkoshay hamráhiá pa jangay sambáragá, ráh o chárágé dar begéjant.

اے رندا، بزرگین واجہ پنچکُشے دپ زہرتر و لُنٹ ہُشکتر چہ پیسرا، گسا آتک و چہ ہما دور، گون ہزاران بد و بیراہ پہ جنئے جنگا لاکارتی. گرآن و نرنڈان گوشگا آت کہ: «شیر و مزاران بل، کہ نون بادشاہانی جنگن سرا کپتگ.» جنا پہ ہزار بگبہتی و تا چہ آبیئے لٹان در و دست کرت و چہ واجہ پنچکُشا ہال و ہتوالئے مکسدی جُست کرت. وهدے کہ زانتی ہبر چی انت، نون آییآ دلداری و دلبدی داتی و گوشتی: «دلا مَور و گم مکن، دلجم بئے کہ واجہ پنچکُش اے گشتا ہم سوین بیت.»

سباہا وهدے کہ مردمانی مچ کنگ و جنگی شورینگئے تبل و ترمبانی تتوار مچت، نگہپانان یک سرمست و ترندین اسپے گون تنگٹوین سنج و اراکان پہ واجہ پنچکُشا آورت و رسینت. واجہ پنچکُشا گوشت: «بادشاہ گون وتی پتوج و لشکرا دیما برتوت و رھادگ بگیپت، من و تا زوت رسینان.»

É randá, bazzagén Wájah Panchkoshay dap zahrter o lonth hoshkter cha pésará, gesá átk o cha hamá dur, gón hazárán bad o béráh pa janay janagá lákárti. Gorrán o norondhán gwashagá at ke: “Shér o mazárán bell, ke nun bádsháhani jangon sará kaptag.” Janá pa hazár bagbahti watá cha áiyat latthán dar o dast kort o cha Wájah Panchkoshá hál o hawálay maksadi jost kort. Wahdé ke zánti habar chi ent, nun áiyá deldári o delbaddhi dáti o gwashti: “Delá mawar o gam makan, deljam bay ke Wájah Panchkosh é gashtá ham sóbéna bit.”

Sabáhá wahdé ke mardománi mocch kanag o jangi shóréngay tabl o trombáni tawár macchet, negahpánán yak sarmast o trondén aspé gón tangawén sanj o erákán pa Wájah Panchkoshá áwort o rasént. Wájah Panchkoshá gwasht: “Bádsháh gón wati pawj o lashkará démá berawt o rahádag begipt, man watá zuta rasénán.”

جنا واجه پنچکُش گپت، زینئے سرا نادینت، یک تاکھین گدے زرت و گون اسپئے  
 زین و تنگا چکرت و سگ مھر بست و بوری هئی کرت. نریان که تان اے وهدی  
 آییئے پُشتا کس سوار نبوتگآت، انچش پیتککا تَتک و تردان و گوزان دیم په جنگی  
 لشکرئے سَرپا راه کپت.

هر دوین بادشاهانی لشکر جنگا اتنت که واجه پنچکُشئے نریان په دُرگے چه یک  
 کَرے سِران پیداک آت. نریانئے گر و دار چه واجه پنچکُشئے دستا در آت، جئومست  
 و وکاببالین اسپ چه یک درچکیئے چیرا گوست. واجه پنچکُشئے دل چه ترسا چیر  
 تَرَتگآت، دُرچکی بگل کرت، بله چه نریانئے بازین زورا، دُرچک چه بُنا در آتک و  
 واجه پنچکُشئے بگلا مَنت. آییها هم دُرچک یله ندات. نریان بے سار و بے سما دیم په  
 دژمنئے لشکرا تَتک.

Janá Wájah Panchkosh gept, zénay sará nádént, yak tákahén godé zort o  
 gón aspay zén o tangá chekket o sakk mohr bast o bóri hay kort. Naryán ke  
 tán é wahdi áiyay poshtá kass swár nabutagat, anchosh pitkoká tatk o  
 traddán o gwazán dém pa jangi lashkaray srapá ráh kapt.

Har doén bádsháháni lashkar jangá atant ke Wájah Panchkoshay naryán pa  
 drekké cha yak kerré serrán pédák at. Naánay ger o dár cha Wájah  
 Panchkoshay dastá dar at, jawmast o wakábbálén asp cha yak drachkéay  
 chérá gwast. Wájah Panchkoshay del cha torsá chér tarretagat, drachki  
 bagal kort, bale cha naryánay bázén zóra, drachk cha boná dar átk o Wájah  
 Panchkoshay bagalá mant. Áiá ham drachk yalah nadát. Naryán bésár o  
 bésamá dém pa dozhmenay lashkará tatk.

واجه پنچکُشا تھنا چیڑے کہ دپا ات اے گال ات کہ: «کپان، کپان، بداریت کہ  
کپان!»

Wájah Panchkoshá tahná chizzé ke dapá at é gál at ke: “Kapán, kapán,  
bedárét ke kapán!”



چہ کزا و پاکین کادرے زورا، واجہ پنچکُشے بہت پُرزور ات و دژمنین بادشاہے  
نام ہم کپان ات. آیے لشکر و جندا دیست کہ پهلوانیا بلاہین درچکے بگلا انت  
و بورتاچان، بادشاہے ناما گیپت و دیم پہ آیا پیداک انت.

Cha kazá o pákén káderay zórá, Wájah Panchkoshay baht porzór at o  
dozhmenén bádsháhay nám ham Kapán at. Áiay lashkar o jendá dist ke  
pahlawánéa baláhén drachké bagalá ent o bórtáchán, bádsháhay námá gipt  
o dém pa áia pédák ent.

دڙمنئے پئوج و لشکر چہ ترسا دلترک بوت و تتک. مڙ و جنگئے پٽ يله دات و  
لشکرا پرؤش وارت. نون واجه پنچکُشئے بادشاها سؤب کٽت و ديم په وتی کلاتا پر  
ترت.

اے درنياما، واجه پنچکُش پيسر چه آيان وتی لوگا آتک و رست. جنا چه اسپئے سرا  
اير گيتک، پُچ و پؤشاک بدليننت و تاسے آپ و شربت واريٺت.

اے دگه سباها، بادشاها بارگاهے برجاه داشت و مزين جشنے گپت. واجه پنچکُشی  
وتی کرا نادينت. نون آ مزين پرمزاین مردے نام کپت، بادشاهئے راستی کشئے  
ندوک بوت و په یک بلاهين جاه و جاگھے رست.

من تان ادا گون اتان، بادشاها دات منا زرے، زر من کرتنت هرے، هر کپت مان  
جرے، من وتی چادر چندت و بدّا کرت و گون هوړک و هاليگين دستے وتی لوگا پر  
ترتان.

Dozhmenay pawj o lashkar cha torsá deltrakk but o tatk. Merh o jangay  
patth yalah dát o lashkará prósh wárt. Nun Wájah Panchkoshay bádsháhá  
sób katthet o dém pa wati kalátá per tarret.

É darnyámá, Wájah Panchkosh pésar cha áyán wati lógá átk o raset. Janá  
cha aspáy sará ér gétk, pocch o póshák badaléntant o tásé áp o sharbat  
wárént.

É dega sabáhá, bádsháhá bárgáhé barjáh dásht o mazanén jashné gept.  
Wájah Panchkoshi wati kerrá nádént. Nun á mazanén pormarháén mardé  
nám kapt, bádsháhay rásti kashay nendók but o pa yak baláhén jáh o jágahé  
raset.

Man tán edá gón atán, bádsháhá dát maná zarré, zarr man kortant herré,  
herr kapt mán jorré, man wati cháder chandhet o baddhá kort o gón hórk o  
háligén dasté wati lógá per tarretán.



## كُنْثِ بِيْبِي

تھلین تمباک، شیرکنین ہرماگ، شپ جاہ و رُچ جاہ، شہرے گر و شہرے بل،  
آشکانِ بیدل۔

ہستات رُچے، ہستات رُزگارے، ہستات بادشاہے و آییَا یک شررنگ و  
مہگُونگین جنکے ہستات کہ نامی چہ بے ہبریا کُنْثِ بِيْبِي ات۔ بازینے آییے  
لوٹوک اتنت۔ بادشاہے جنکا ہمے بے و شرتِ اشتگات کہ ہر کس آییَا سے  
رندا پہ ہبر در بیاریت، ہما آییے مردِ بیت۔ اگن نہ، آیان سادے گورا دئینت و بازارا  
چکَریننت۔

## Konth Bibi

Tahlén tambák, shirkenén hormág, shap jáh o róch jáh, shahré ger o shahré  
bell, áshekáne bédel.

Hastat róché, hastat rózgáre, hastat bádsháhé o áíá yak sharrang o  
mahgónagén jeneké hastat ke námi cha béhabariá Konth Bibi at. Bázéné  
áiyay lóthók atant. Bádsháhay jeneká hamé bay o shart eshtagat ke har kas  
áíá say randá pa habar dar byárit, hamá áiyay marda bit. Agan na, áyán sádé  
gwará dayant o bázará chakkarrénant.

بازینے آتکگاتنت و جنکش په هبر در نیاورتگات و شرّ بر سر بازار بوتگ و شتگاتنت.

تان یک روچه مُلکے یک آپکشے کئیت و گوشتیت: «من جنکا په هبر در کاران.»

آ گوشتنت: «شرّ انت، بله اگن اے کارت نکرت، گڑا تئی سزا هما انت که ما گوشت.»

آپکش پَسَّو دنت: «شرّ انت.»

Bázéné átkagatant o jenekesh pa habar dar nayáwortagat o sherr bar sare bázár butagat o shotagatant.

Tán yak róché molkay yak ápkasshé kayt o gwashit: “Man jeneká pa habar dara kárán.”

Á gwashant: “Sharr ent, bale agan é káret nakort, gorhá tai sezá hamá ent ke má gwasht.”

Ápkassh passawa dant: “Sharr ent.”

اے دگہ شپا، آپکشا برنت جنکے کِرا۔ اوڈا کہ رتوت گوشیت: «او شہزادگین  
بانک! بیا کہ من پہ تتو وشین کسھے کاران.»

جنک گون سرے سرینگا منیت.

É dega shapá, ápkasshá barant jenekay kerrá. Ódá ke rawt gwashit: “Oo shahzádagén bánok! Byá ke man pa taw wasshén kessahé kárán.”

Jenek gón saray sorénagá mannit.



آپکش گوشیت: «تھلین تمباک، شیرکنین ہرماگ، شپ جاہ و روچ جاہ، شہرے گر  
و شہرے بل، آشکان بیدل.

ہستات روچے ہستات روزگارے، ہستات یک بادشاہے. یک روچے اے بادشاہ  
شئور کنت تان پہ یک تجارتی سپرے برئوت. پہ ہمے مکسدا، ہمراہ گون وتی  
وزیرا، یک دارتراش و یک زرگر و یک درزی و یک ملایے ہم گون وت بارت.

Ápkassha gwashit: “Tahlén tambák, shirkenén hormág, shap jáh o róch jáh,  
shahré ger o shahré bell, áshekáne bédel.

Hastat róché hastat rózgáre, hastat yak bádsháhé. Yak róché é bádsháh  
shawra kant tán pa yak tejáratí saporé berawt. Pa hamé maksadá, hamráh  
gón wati wazirá, yak dártrásh o yak zargar o yak darzi o yak molláé ham  
gón wata bárt.



شپا کہ اُرد و بُنگ کنت، بادشاہ ہُکم کنت: «اے شپا پہ چار پاسا بھر کنیت و ہر پاسا یگے چہ شما بُنپانی بدئییت.»

Shapá ke ord o bonaga kanant, bádsháh hokma kant: 'É shapá pa chár pásá bahr kanét o har pásá yakké cha shomá **bompáni** bedayét.'

شپے اٹولی پاسا، دارتراش زوریت. کُمکے کہ نندیت و اؤشتیت، گندیت کہ اے  
 ڈٹولا دم بارت، وتی ساز و سامانان زوریت و گون یک دارے، جنکے جوڑ و اد  
 کنت.

دومی پاس، درزیے باریگ بیت. درزی کہ اے وش ڈٹول و وش براہین جنکا گندیت،  
 وتی درزیگری چرکا زوریت و یک ڈٹولدار و پُردوچین جامگے دوچیت و گورایی  
 دنت.

سیمی پاسا، زرگر پاد کثیت. تانکہ اے دارین جنکا گون آ پُردوچین جامگا گندیت،  
 وتی پیتیا پیچ کنت و گون بانوری شرین سہت و زیوران، جنکا سمبھینیت.

چارمی پاس، مَلّائے باریگ بیت. مَلّا کہ اے سمبھتگین جنکا آ ڈٹولا وش رنگ و  
 زیبا گندیت، یک دل نہ، سد دل آشک بیت. زاری و پریات کنت و گوشتیت: «او  
 مہربانین ہدا! تئیی دستا ہر چیز بوت کنت، بیا و اے سجھینانی کارا برکت بدئے و  
 اے دارین سمبھتگین بانورا ساہ مان کن.»

Shapay awali pásá, dártrásha zurit. Kammoké ke nendit o óshtit, gendit ke  
 é dhawlá dama bárt, wati sáz o sámánána zurit o gón yak dáré, jeneké jórh  
 o addha kant.

Domi pás, darziay báriga bit. Darzi ke é washdhawl o washbrahén jeneká  
 gendit, wati darzigari charká zurit o yak dhawldár o pordóchén jámagé  
 dóchit o gwaráia dant.

Saymi pásá, zargar páda kayt. Tánke é dárén jeneká gón á pordóchén  
 jámagá gendit, wati pétiá pacha kant o gón bánóri sharrén saht o zéwarán,  
 jeneká sambahénit.

Cháromi pás, molláay báriga bit. Mollá ke é sambahetagén jeneká á dhawlá  
 washrang o zéba gendit, yak del na, sad del ásheka bit. Zári o peryáta kant o  
 gwashit: ‘Oo mehrabánén Hoda! Tai dastá har chizz buta kant, byá o é  
 sajjahénáni kára barkat beday o é dárén sambahetagén bánóra sáh mán kan.’

مُلائے دوا برجاه بیت و جنکا ساه مان بیت، چشگے جنت و نندیت. نون اے هر  
چارین مرد جنکے سرا جنگ بنت که جنک کجام یکنیگ بوت کنت؟

ملا گوشیت: «منیگ انت که من ساه مان کرتگ، اگن من ساه مان مکرین، آ هچبر  
مردمے نبوت تان بانورے بییت.»

دارتراش گوشیت: «هئو! بله اگن من چه ائولا، آ دار متراشتین و جنکے ڈئولا  
مجوربتین، تئو چه کجا ساه مان کرت؟»

زرگر گوشیت: «اگن من آ شرین زر و زیور گورا مداتیننت و بانوری مسمبهینتین،  
تئو کدی هئوس کرت آییسا ساه مان کنے؟»

درزیا گوشیت: «هئو! راست انت، بله اگن من آ شوکین جامگ مدوتکین و گورا  
مداتین، تئو کدی هئوس کرت تان آ زر و زیورانی گورا بدئیے؟»

Molláay dwá barjáha bit o jeneká sáh mána bit, chesshagé jant o nendit.  
Nun é har chárén mard jenekay sará janga bant ke jenek kojám yakkayg  
buta kant.

Mollá gwashit: ‘Manig ent ke man sáh mán kortag, agan man sáh mán  
makortén, á hechbar mardomé nabut tán banóré bebit.’

Dártrásha gwashit: ‘Haw! Bale agan man cha awalá, á dár matráshtén o  
jenekéay dhawlá majórhéntén, taw cha kojá sáh mána kort?’

Zargara gwashit: ‘Agan man á sharrén zar o zéwar gwará madáténant o  
bánóri masambahéntén, taw kadi hawasa kort áíá sáh mán kanay?’

Darziá gwasht: ‘Haw! Rást ent, bale agan man á shawkén jámag madótkén  
o gwará madátén, taw kadi hawasa kort tán á zar o zéwaráni gwará  
bedayay?’

نون اے چارین کس زار و آجز اتنت کہ بارین جنک کجام یگئے بوت کنت؟ بادشاہ  
ہم ہیران ات.»

کُنٹ بیبیا یکبرا سر برز کرت و گوشتی: «منی ہئیالا، جنک زرگریگ انت، چیا  
کہ مُلا و دارتراش آییئے پت و مات حساب بنت کہ آجوڑبنتگش، درزیا ہم تہنا یک  
جامگے گورا داتگ. بلہ زرگرا گون وتی ازم و هنر و گران کیمتین زر و سہتان،  
بانوری سمبہنتگ.»

Nun é chárén kas zár o ájez atant ke bárén jenek kojam **yakkayg** buta kant?  
Bádsháh ham hayrán at.”

Konth Bibiá yakbará sar borz kort o gwashti: “Mani hayálá, jenek  
zargarayg ent, chiá ke mollá o dártrásh áiy pet o mát hesába bant ke á  
jórhéntagesh, darziá ham tahná yak jámagé gwará dátág. Bale zargará gón  
wati ezm o honar o grankimatén zar o sahtán, bánóri sambahéntág.”



دومی شپا، کنٹ بیبی نگرانِ نشتگات کہ بارینِ انشپی ہم آپکشِ آیا پہ ہبر در  
آورت کنت یا نہ؟ آپکشِ شاکارگے جت و گوشتی: «او شہزادگین بانک! نون بیا و  
اے کسہا گوش کس:

تھلین تمباک، شیرکنینِ ہرماگ، شپ جاہ و رُچ جاہ، شہرے گر و شہرے بل،  
آشکانِ بیدل.

ہستاتِ رُچے ہستاتِ رُزگارے، ہستاتِ یکِ گرانماولینِ ہئیادارینِ جنینے کہ  
سک و شرننگ و زیبا ات. مُلکے میر و باپاری، ہاکم و ملا، آییے و شرنگیے  
آشک بنت. بادشاہ کاسدے رتوان دنت تانکہ یک شپے آییے گورا بوپسیت، اگن  
نہ، آییے مرد و چکانِ کُشیت.

Domi shapá, Konth Bibi negrán neshtagat ke bárén enshapi ham ápkassh  
áiá pa habar dar áworta kant yá na? Ápkasshá shákáragé jat o gwashti: “Oo  
shahzádagén bánok! Nun byá o é kessahá gósh kassh:

Tahlén tambák, shirkenén hormág, shap jáh o róch jáh, shahré ger o shahré  
bell, áshekáne bédel.

Hastat róché hastat rózgáre, hastat yak gránmáwalén hayádáren janéné ke  
sakk washrang o zébá at. Molkay mir o bápári, hákem o mollá, áiy  
washrangiy ásheka bant. Bádsháh kásedé rawána dant tánke yak shapé  
áiay gwará bwapsit, agan na, áiy mard o chokkána koshit.

جنین ترسیت و کاسدا گۆشیت: «او بادشاهئے مہرمین کاسدا! شاہا بگوش کہ: «تتو  
 مُلکئے نام و ناموس ائے. اگن اے کارا پہ ستر و پہ شری مکنئے، بِنام بئے. اجازت  
 بدئے، وهدے کہ منی مرد پہ سات و سپرے رتوت، تتو اے کارا بکن.»»

جنینئے مرد کہ سپرا رتوت، بادشاہ کاسدا رتوان کنت تان برتوت و جنینا بگوشیت:  
 «نون آ وهد کہ تتو گۆشت، آتکگ.» جنین ہم کلئو کنت کہ: «او بادشاہ! منی آیک  
 تئی گورا نبیت، تئی آیک ہم یک بزگین جنینئے لؤگا کہ مردی ادا نہ انت شرین  
 ہبرے نہ انت. بازار پہ تتو ہبر اڈ کنت و تئی بادشاہی شوکرت پرشیت. گرا گہتر  
 انت پرمان کنئے تان زمینئے چیرا، یک راہے چہ تئی کلالتا تان منی لؤگا بکشنت.  
 آ وهدی، تتو چہ ہمے چیززمینی گارّا وتا پہ من سر کن.»

Janéna torsit o kasedá gwashit: ‘Oo bádsháhay mahramén kásed! Sháhá  
 begwash ke: “Taw molkay nám o námus ay. Agan é kára pa setr o pa sharri  
 makanay, bannáma bay. Ejázat beday, wahdé ke mani mard pa sát o saporé  
 rawt, taw é kára bekan.”’

Janénay mard ke saporá rawt, bádsháh kasedá rawána kant tán berawt o  
 janéna begwashit: ‘Nun á wahd ke taw gwasht, átkag.’ Janén ham kolawa  
 kant ke: ‘Oo bádsháh! Mani áyag tai gwará nabit, tai áyag ham yak  
 bazzagén janénéay lógá ke mardi edá naent sharrén habaré naent. Bázár pa  
 taw habar addha kant o tai bádsháhi shawkata proshit. Gorhá gehter ent  
 parmán kanay tán zeminay chérá, yak ráhé cha tai kalátá tán mani lógá  
 bekasshant. Á wahdi, taw cha hamé chérezemini gárrá watá pa man sar kan.’

جنین اے پگر و پیشنهادا پہ اے ہاترا کنت، تانکہ اے گارّا بکوچنت، بازین وهدے لگیت و بلکین آئیے مرد چہ سپرا بیئیت و برسیت. بادشاہ اے ہبرا منیت و وتی مہرمین مردمان گوشیت تان چیرزمینی راھے تئیار کنت. چہ کزا و تپاک، تان اے گارّ کوچگ بیت، جنینے مرد کئیت و رسیت.

گون مردے رسگا، جنین سجھین راز و ہبران، بادشاھے واہگ و مرادان، پہ آیا سر کنت. مرد وتی جنے پیشانیکا دروت دنت و گوشیت: «ترا مہربا انت، شاباش پہ تئی مہر و وپایا، تئو کہ وتی ہیئا پہ اے مہریا داشتگ، من زانان کہ تئی ہیئا اے مہرین دیوال ترا رکینیت. منا پہ تئی سپا و سپادلیا باور انت. اگن بادشاہا پدا ہم ترا لوٹت، برئو. من زانان آہم کہ ترا گندیت، چہ وتی اے گندھین شئورا بجیت.»

جنین وتی مردے ہبرا زوریت. اے دگہ روچا، بادشاھے کاسد کہ کئیت گرا جنین گوشیت: «شر انت، من باندا شپ کایان.»

Janén é pegr o péshnahádá pa é háterá kant, tánke é gárrá bekóchant, bázén wahdé laggit o balkén áiy mard cha saporá byayt o berasit. Bádsháh é habará mannit o wati mahramén mardomána gwashit tán chérmemini ráhé tayár kanant. Cha kazá o topák, tán é gárr kóchaga bit, janénay marda kayt o rasit.

Gón marday rasagá, janén sajjahén ráz o habarán, bádsháhay wáhag o morádán, pa áiy sara kant. Mard wati janay péshánigá dróta dant o gwashit: ‘Tará mahrabá ent, shábásh pa tai mehr o wapáyá, taw ke wati hayá pa é mohriá dáshtag, mana zánán ke tai hayáay é mohrén diwál tará rakkénit. Maná pa tai sapá o sapádeliá báwar ent. Agan bádsháhá padá ham tará lóthet, beraw. Mana zánán á ham ke tará gendit, cha wati é gandahén shawrá bajjit.’

Janén wati marday habará zurit. É dega róchá, bádsháhay kased ke kayt gorhá janéna gwashit: ‘Sharr ent, man bándá shapa káyán.’

اے دگہ شپا، گون نادلکشین دلے چہ ہمے گارے راہا رهادگ گپت و رتوت.  
گارے درنیاما کہ رسیت، لہتین دڑ آبیے راہا بندنت. اے دزان چہ بادشاہے کلالتا  
دڑی کرتگ و ہمے گارا چیر بنت. جنین وتی زندے سکی و سوری، بادشاہے  
ناراهین لوٹ و وتی دلیر و ہبران پہ وتی ہیئے رکینگا گون دزان کسہ کنت.

É dega shapá, gón nádelkashén delé cha hamé gárray ráhá **rahádaga gipt**  
o rawt. Gárray darnyámá ke rasit, **lahtén** dozz áiy ráhá bandant. É dozzán  
cha bádsháhay kalátá dozzi kortag o hamé gárrá chéra bant. Janén wati  
zenday sakki o sóri, bádsháhay náránhén lóth o wati dalir o habarán pa wati  
hayáy rakkénagá gón dozzán kessaha kant.



آيان هم اے هبرانی اِشکنگا رند، په جنینا بزگ بیت و آييا یله کننت. جنین هم گون تُرس و لَرز بادشاهئے کِرا رتوت. اودا که رسیت، نون گون بادشاها گوشیت: «او منی مُلک و مردمانی شرپ و اِزت! من په تئی واهگ و پرمانا آتکگان. بله بزان که په اے گارئے کوچگا، منی مول و مراد اے بوتگ که تان آ وهدی بلکین منی مرد بیئت و برسیت. منی مرد که آتک، من سجھین راز گون آييا گوشنت. منی مردا هم، اے وپا که چه من دیست، وت نون منا تئی کِرا رتوانی داتگ. گارئے درنیاما لهتین دزا منا دیستگ و گون منی کسھئے اِشکنگا، منا یله داتگش. بارین تئی بادشاهین پتی دل و جبین منی بارئوا چه گوشیت؟ من انون تئی اهتیارا آن.»

Áyán ham é habaráni eshkonagá rand, pa janéná bazzaga bit o áíá yalaha kanant. Janén ham gón tors o larz bádsháhay kerrá rawt. Ódá ke rasit, nun gón bádsháhá gwashit: ‘Oo mani molk o mardománi sharap o ezzat! Man pa tai wáhag o parmáná átkagán. Bale bezán ke pa é gárray kóchagá, mani mull o morád é butag ke tán á wahdi balkén mani mard byayt o berasit. Mani mard ke átk, man sajjahén ráz gón áíá gwashtant. Mani mardá ham, é wapá ke cha man dist, wat nun maná tai kerrá rawáni dátag. Gárray darnyámá lahtén dozzá maná distag o gón mani kessahay eshkonagá, maná yalah dátagesh. Báren tai bádsháhén peti del o jabin mani bárawá ché gwashit? Man annun tai ehtiára án.’

بادشاہ ہم کَمے بے تتوار بیت و رندا گوشیت: «برئو کہ تتو منی ہم مات و گہار  
 ائے، چہ ہما راہے کہ آتکگئے پدا پر تر.» جنین چہ بادشاہا شگرے گپیت و وتی  
 لوگا رتوت.»

نون منی جُست چہ تتو ایش انت کہ: «تئی ہیالا، دلیرترین، نیکتترین و بکشندہترین  
 چہ اے مردمان، کجام یک انت؟ جنینئے جند، کہ وتی ہیایی داشت؟ آییے مرد،  
 کہ وتی جنین گون رزایت ایش کہ بادشاہے گورا برئوت؟ آڈز، کہ جنینش کار  
 نداشت؟ یا بادشاہ، کہ گون وتی زور و واکا، چہ وتی ہئوسا سر گوست؟»

کُنٹ بیبیا کندگے جت و یکبرا گوشتی: «سجھینان شاباش انت، بلہ سوین جنین  
 انت کہ گون وتی نیكدلی، ہئیا، باور و ہوش و دماگا، چہ اے گار و بُرز و بلندین  
 کندگان گوزیت.»

Bádsháh ham kammé bétawára bit o randá gwashit: ‘Beraw ke taw mani  
 ham mát o gohár ay, cha háma ráhé ke átkagay padá per tarr.’ Janén cha  
 bádsháhá shogré gipt o wati lógá rawt.”

Nun mani jost cha taw esh ent ke: “Tai hayálá, delérterén, nékterén o  
 bakshandahterén cha é mardomán, kojám yakk ent? Janénay jend, ke wati  
 hayái dásht? Áiay mard, ke wati janén gón razáyat esht ke bádsháhay  
 gwará berawt? Á dozz, ke janénesht kár nadásht? Yá bádsháh, ke gón wati  
 zór o wáká, cha wati hawasá sar gwast?”

Konth Bibiá kandagé jat o yakbará gwashti: “Sajjahénán shábásh ent, bale  
 sóbén janén ent ke gón wati nékdeli, hayá, báwar o hósh o damágá, cha é  
 gár o borz o bolandén kandhagána gwazit.”

سئیمی شپا، جنک گیشتر چه پیشا نگران ات، بله آپکشئے کسہ و اسپانک انچش  
 وش اتنت کہ جنک دلمانگ ات آ زوتر وتی کسہا بنگیج بکنت. آپکشَا شاکارگے  
 جت و گوشتی: «جی، منی کُنٹ بییین بانک!

تھلین تمباک، شیرکنین ہرماگ، شپ جاہ و رُچ جاہ، شہرے گر و شہرے بل،  
 آشکان بیدل.

ہست ات رُچے ہست ات رُزگارے، ہست ات دگہ یک بادشاہے. اے بادشاہا  
 ہست ات یک جنکے. اے جنک انچش وش رنگ و زیبا ات کہ سئے بادشاہے چک  
 آئیے آشک بنت. بلہ اے مہگونگین جنکا نادراہیے سرا بیت. چہ مُلا و کُتا و دتوا  
 و درمان درمانگ بنت.

ہکیمے گوشتیت کہ: «آئیے دتوا، زندآپ انت.» نون بادشاہا گوشت: «ہر کس چه  
 شما سئیینان کہ زندآپ بیاریت، من ہماییا زامات کنان.»

Saymi shapá, jenek géshter cha péshá negrán at, bale ápkasshay kessah o  
 espánk anchosh wassh atant ke jenek delmánag at á zutter wati kessahá  
 bongéj bekant. Ápkasshá shákáragé jat o gwashti: “ Ji, mani Konth Bibién  
 bánok!

Tahlén tambák, shirkenén hormág, shap jáh o róch jáh, shahré ger o shahré  
 bell, áshekáne bédel.

Hastat róché hastat rózgaré, hastat dega yak bádsháhé. É bádsháhá hastat  
 yak jeneké. É jenek anchosh washrang o zébá at ke say bádsháhay chokk  
 áiyay ásheka bant. Bale é mahgónagén jeneká nádráhié sará bit. Cha mollá  
 o kottá o dawá o darmán darmándaga bant.

Hakimé gwashit ke: ‘Áiyay dawá, zendáp ent.’ Nun bádsháhá gwasht:  
 ‘Harkas cha shomá sayénán ke zendáp byárit, man hamáiá zámata kanán.’

تان گڑا هر سئین آشک راه کپنت و رئونت تان زندآپ بیارنت.

چه کزا، هر سئینانی سر مان یک شهرے کپیت، بله یگے چه آیان زندآپا در گیحیت.  
آیا که زندآپ در گیتکگآت گوشتی: «من باندا نه، پووشی گون یک بوجیگے رئون  
و شهزادگین بانکا وتی بانور کنان».

آدگه آشکا هم مان وتی اے سپرا کتابے دستا کپیت که هر چیزئے پیشگوی آیا  
مان انت. کتابئے چارگا بیت و یکبرا وانیت که: «جنک باندا مریت».

سئیمی آشکا هم، مان وتی اے سپرا، یک کالیے زرتگ که وتی واهندا یک روچا،  
هر ملکه که بلوٹیت، سر کنت. نون هر سئے شئور کنت که همه کالیچها بنندنت  
و بال کنت.

Tán gorhá har sayén áshek ráha kapant o rawant tán zendáp byárant.

Cha kazá, har sayénáni sar man yak shahré kapit, bale yakké cha áyán  
zendápá dara géjit. Áiá ke zendáp dar gétkagat gwashti: ‘Man bándá na,  
póshi gón yak bójigé rawán o shahzádgén bánoká wati bánóra kanán.’

Á dega ásheká ham mán wati é separá ketábé dastá kapit ke har chizzéay  
péshgói áiá mán ent. Ketábay chárágá bit o yakbará wánit ke: ‘Jenek bándá  
merit.’

Saymi ásheká ham, mán wati é separá, yak kálié zortag ke wati wáhondá  
yak róchá, har molké ke belóthit, sara kant. Nun har say shawra kanant ke  
hamé kálíchahá benendant o bál kanant.



اے ڈٹولا، سوارِ بنت و زندآپا پہ بادشاہا سرِ کنتت. جنک ہم وارت و دراہ بیت. نون هر یگ چہ اے آشکان داوا کنت کہ جنک منیگ انت. آیا کہ زندآپ در گیتکات، گوشتی: «جنکے دتوا زندآپ بوتگ و من در گیتکگ. اچہ، گڑا جنک منیگ انت.»

دومیا گوشت: «اگن منی کتاب مپوتین و من مچارتین، زندآپ پہ وهد سرِ نبوت و جنک مُرت. گڑا جنک منیگ انت.»

É dhawlá, swára bant o zendápá pa bádsháhá sara kanant. Jenek ham wárt o dráha bit. Nun har yakk cha é áshekán dáwá kant ke jenek manig ent. Áiá ke zendáp dar gétkagat, gwashti: ‘Jenekay dawá zendáp butag o man dar gétkag. Acha, gorhá jenek manig ent.’

Domiá gwasht: ‘Agan mani ketáb mabutén o man macháretén, zendáp pa wahd sara nabut o jeneka mort. Gorhá jenek manig ent.’



سئیمیا گوشت: «اگن منی اَجَبَتین کالیچہ مَبوتین، نہ زندآپا دردَ وارت و نہ کتابے  
پیشگوویا. گڑا جنک منیگ انت.» نون بادشاہ ہئیران مانیت کہ کجام یک برہگ  
انت؟

کُنٹ بیبی پدا پہ ہبر در کئیت و بے مہتلیا گوشتیت: «بادشاہے زامات، کالیچہے  
واہند انت.»

آپکشَا درآینت: «بانُک! نون من بے و شرت برتگ و تئو سے رندا پہ ہبر در  
آتکگے.»

Saymiá gwasht: ‘Agan mani ajabbatén kálícha mabutén, na zendápá darda  
wárt o na ketábay péshgóiá. Gorhá jenek manig ent.’ Nun bádsháh hayrána  
mánit ke kojám yak barhakk ent?”

Konth Bibi padá pa habar dara kayt o bé mahtaliá gwasht: “Bádsháhay  
zámát, kálíchahay wáhond ent.”

Ápkasshá darráént: “Bánok! Nun man bay o shart bortag o taw say randá  
pa habar dar átkagay.”

جنڪا آبيئي ڪسڻه همينچڪ وش بوتنت كه گوشتي: «من تئبي جن آن، بله بئي په  
اے بئي كه، هر شپ چه اے ڪسڻهان يڪي په من بجنئي.»

بادشاهه هم بچڪ باز دوست بيت و آيا و تي ديوان و دربار و مهيلاني ڪسڻه گو ڪنت.

ڪسڻه هلاس بوت، من چه همدا گون اتان، بادشاهه منا دات زر، زر من ڪرت هر،  
هر جڙا ڪپت و مورت و من و تي چادر چنڊت و بڏا ڪرت و دست هورڪ و هاليگ و تي  
لوگا پر تررت و آتڪان.

Jeneká áiy kessah haminchok wassh butant ke gwashti: “Man tai jan án,  
bale bay pa é bay ke, har shap cha é kessahán yakké pa man bejanay.”

Bádsháhá ham bachakk báz dósta bit o áia wati diwán o darbár o mahpeláni  
kessahgóa kant.

Kessah halás but, man cha hamedá gón atán, bádsháhá maná dát zarré, zarr  
man kort herré, herr jorrá kapt o mort o man wati cháder chandhet o baddhá  
kort o dast hórk o hálig wati lógá per tarret o átkán.



## بادشاہ و اژدیا

تھلین تمباک، شیرکنین ہرماگ، شپ جاہ و رۆچ جاہ، شھرے گر و شھرے بل،  
آشکان بیدل.

ہست ات رۆچے، هست ات رۆزگارے، هست ات یک بادشاہے. اے بادشاہا چُک  
نبت. ملا و میا و دم و درمانان در منتگ ات، بلہ پہ ہیچ.

سالانی سال ات کہ آئیے بادشاہی باگا یک اژدیایے مان ات. هر وهدے کہ پریشان  
و دلتنگ بوت، تک و تھنا دیم پہ باگا شت تان ساھتے گون ہمے اژدیایا بیت.  
اژدیایا انچش ہیل کرتگ ات، بادشاہ باگے هر نیمگا کہ شت، آ ہم راہ گپت و  
بے توار ہما نیمگا شت. بادشاہ چہ اژدیایے اے ہمراہیا سک وش بوت و آئیے اے  
کاری، پہ وت یک وپاداریے حساب کرت.

## Bádsháh o azhdiá

Tahlén tambák, shirkenén hormág, shap jáh o róch jáh, shahré ger o shahré  
bell, áshekáne bédel.

Hastat róché, hastat rózgaré, hastat yak bádsháhé. É bádsháhá chokka  
nabut. Mollá o miyá o dam o darmánán dar mantagat, bale pa hech.

Sáláni sál at ke áiy bádsháhi bágá yak azhdiáé mán at. Har wahdé ke  
préshán o deltanga but, tak o tahná dém pa bágá shot tán sáhaté gón hamé  
azhdiáyá bebit. Azhdiáyá anchosh hél kortagat, bádsháh bágay har némagá  
ke shot, á ham ráha gept o bétawár hamá némagá shot. Bádsháh cha  
azhdiáy é hamráhiá sakk wassa but o áiy é kári, pa wat yak wapádárié  
hesába kort.

یک روچے، بادشاہ لوگا شت و دیستی کہ شہبانو سک گل و شادان انت. زانتی کہ مروچی یک مزین ہبرے هست. دلا کندان بوت و یکبرا گوشتی: «من زنان کہ بہتت پاد آتکگ، بلہ بگوش بارین مردینے یا جنین؟»

بادشاہا نرمکین بچکندے جت و جنئے پیشانینگ چکرت و اناگت، دیم پہ کوٹئے تاکچہا شت. جنا، چہ وتی کرا بادشاہئے اے اناگتین رٹوگ وش نبوت و دیم پہ آہیا راہ گپت، بلہ بادشاہا آہئے نیمگا دلگوش نکرت و ہما ڈٹولا یگوش، ڈٹا چارگا ات. جن کمے دیمترا کنزت و دیستی کہ آہئے پیشیگین کندانین دیم و رو، تہار و پُراندوہ انت. دستی مان شاہئے گردنا دئور دات و گون نرمکین آوازے گوشتی: «دل و جانن ندر باتنت! ترا یکبرا چے بوت؟ بارین نُنکئے جنین و مردین بئیکا ترا چش نگران کرت یا دگہ چیڑے؟»

Yak róché, bádsháh lógá shot o disti ke shahbánó sakk gal o shádán ent. Zánti ke maróchi yak mazanén habaré hast. Delá kandán but o yakbará gwashti: “Mana zánán ke bahtet pád átkag, bale begwash bárén mardéné yá janén?”

Bádsháhá narmokén bechkandé jat o janay péshánig chokket o anágat, dém pa kóthay tákchahá shot. Janá, cha wati kerrá bádsháhay é anágatén rawag wassh nabut o dém pa áia ráh gept, bale bádsháhá áiy némagá delgósh nakort o hamá dhawlá yaggósh, dhanná chárágá at. Jan kammé démterá kenzet o disti ke áiy péshigén kandánén dém o ru, tahár o porandóh ent. Dasti mán sháhay gardená dawr dát o gón narmokén áwázé gwashti: “Del o jánon nadr bátant! Tará yakbará ché but? Bárén nonnokay janén o mardén bayagá tará chosh negrán kort yá dega chizzé?”

بادشاهئے چمان آرس گلگل بوتنت و رنگی زرد تررت. آھے چه دلا کشت و گوشتی:  
 «نه جن! منا چه چکانی مسیبت و دردان سک ترسیت. چیزے زانے نه؟ چک،  
 بے زبان و بے ارادگ، یکبرا مے کتا کپنت. نه پت و مات گچین کننت و نه ملک و  
 ملت، نه که هم رنگ و مهذب. تنتنا وتی نامے پریندا وت شریکدار نه أنت، مہمد  
 بنت یا مہمد. مے تب و واہگانی زورین گلام چک أنت و چه وت یا چه وت اہتیاریا،  
 دستش گونڈ انت. چه اشان گوستگ، چکانی تپلین دلے واہگ و تمہ، چه مستربن  
 بادشاهانی واہگان گیشتر و ٹوہترانت. آیانی اے شہتبین واہگان کے پسے دات  
 کرت کنت؟ بلہ نون اے ہبرا بلین، تے وتارا پھرے کن.»

گون اے گپان، کمے کنزت و پدا جنے پیشانیگی چکرت و دیم پہ دیوانجاہا رھاہگ  
 گپت.

Bádsháhay chammán ars golgol butant o rangi zard tarret. Áhé cha delá kasshet o gwashti: “Na jan! Maná cha chokkání mosibat o dardán sakka torsit. Chizzé zánay na? Chokk, bézobán o béerádag, yakbará may kotthá kapant. Na pet o mát gechéna kanant o na molk o mellat, na ke ham rang o mahzab. Tantaná wati námay perbandá wat sharikdár naant, Mahmada bant yá Mohmad. May tab o wáhagáni zórén golám chokk ant o cha wat yá cha watehtiáriá, dastesh gwandh ent. Cha eshán gwastag, chokkání teplén delay wáhag o tamah, cha masterén bádsháhání wáhagán géshter o thuhter ant. Áyáni é shahtabén wáhagán kay passaw dát korta kant? Bale nun é habará bellén, taw watará pahréz kan.”

Gón é gappán, kammé kenzet o padá janay péshánigi chokket o dém pa diwánjáhá rahádag gept.

شاہی دیوانے برجہ دارگا رند، انچش کہ آئیے آت و ہیل ات، پگر کنان، دیم پہ باگ و اژدیائے گندگا شت. اژدیا کئے نزیک آتک و وتی سری بادشاہے پادانی سرا اپر کرت. بادشاہا ہم دستے آئیے جانا کشت و گون آسودگین ہاترے رھاڈگ بوت.

انگت شاہی کسر و کوٹا نرستگات کہ وزیر دیمآتک و گوشتی: «بادشاہے سرا مبات پرواہ. واجہ! من گون وت ہمے پگرا اتان، کہ اگن یک روچے اے اژدیا چہ باگا در کپیت یا بمریت، گڑا تتوچے کنئے؟ تئی گھترین ہمدم، ہمے گنگدام انت.»

بادشاہا پسٹو دات: «نہ نہ، چش مگوش، کہ منا بے اے آرامین گنگداما ہچ دابا نیبت.»

Sháhi diwánay barjáh dárágá rand, anchosh ke áiy ádat o hél at, pegr kanán, dém pa bág o azhdiáay gendagá shot. Azhdiá kammé nazzik átk o wati sari bádsháhay pádáni sará ér kort. Bádsháhá ham dasté áiy jáná kasshet o gón ásudagén háteré rahádag but.

Angat sháhi kasr o kóthá narasetagat ke wazir démá átk o gwashti: “Bádsháhay sará mabát parwáh. Wájah! Man gón wat hamé pegrá atán, ke agan yak róché é azhdiá cha bágá dar kapit yá bemerit, gorhá taw ché kanay? Tai gehterén hamdam, hamé gongodám ent.”

Bádsháhá passaw dát: “Na na, chosh magwash, ke maná bé é áramén gongodámá hech dábá nabit.”



بادشاهئے مہر و اژدیائے دوستی، رۆچ پہ رۆچ گیشتر و گیشتر بییان ات. اچ آنگر ہم، رۆچ کہ گوزان اتنت، بادشاهئے جنئے چہرگ، گون ماہ و رۆچانی نزیکتر بییگا، ڈرپشناکتر و مہگونگتر بوت. بادشاہ اے بابتا شادان ات، بلہ مدام گوشئے یک اندوہیئے جمبرا مان آیئے دلئے آسمانا بستگات و نگران ات.

یک سبہے کہ ڈھلانی وش تئوارین گرومبگ، بازارا مچت و ہلہلہانی تئوارا کلات پہ سر زرت، نون بادشاہا زانت کہ ملکئے نوکین ہاکما، پاد کلاتئے زرین پدانکانی سرا ایر کرتگ. آکت، نُنکین شہزادگا، ودارانی بہار سبزینت و مات و پتی گون وتی بچکنندگان پہ مُراد رسینتنت.

سال و ماہ و رۆچ گوستنت. نُنک کم کم ٹوہتر بوت. باگئے سئلا شت و گون مُرگ و باگئے داشتگین توتی و اژدیایا لئیبی کرت. شہزادگا ہم، بادشاہین پتئے ڈئولا، اژدیا دوست بوت و گیشتر چہ پتا، گون آییا دلگوش ات.

Bádsháhay mehr o azhdiáy dosti, róch pa róch géshter o géshter bayán at. Ach ángor ham, róch ke gwazán atant, bádsháhay janay chehrag, gón máh o rócháni nazzikter bayagá, drapshnákter o mahgónagtera but. Bádsháh é bábatá shádán at, bale modám gwashay yak andóhéay jambará mán áiyay delay ásmáná bastagat o negrán at.

Yak sabáhé ke dhohláni washtawárén grumbag, bázará macchet o halhalaháni tawará kalát pa sar zort, nun bádsháhá zánt ke mol kay nókén hákemá, pád kalátay zarrén padánkáni sará ér kortag. Ákebat, nonnokén shahzádagá, wadaráni bahár sabzént o mát o peti gón wati bechkandagán pa morád raséntant.

Sál o máh o róch gwastant. Nonnok kam kam thuhter but. Bágay saylá shot o gón morg o bágay dáshtagén tuti o azhdiáyá laybia kort. Shahzádagá ham, bádsháhén petay dhawlá, azhdiá dósta but o géshter cha petá, gón áiyá delgósh at.

جی هئو! رۆچ و رۆزگار، هر رۆچ وتی رهئوین بۆرا سوار انت و گۆن ناگتین ئپاکانی  
 شلسرین هنجرا، بازینئی جان و دلا ئپیگ کنت. شهزادگ ده پانزه سالگ بوت و  
 یک رۆچه گوازی گوازی، ازدیا زهر گپت و شهزادگئی پادی دپ جت. شهزادگا هم  
 مهتل نکرت و گۆن وتی زاگ داتگین زهما، ازدیائی دُمبی گدَّت و سست.

گۆن دمبئی گدگا، ازدیایا هم دپ پچ کرت و شهزادگی یک دیارے کرت و ایر برت.

Ji haw! Róch o rózgar, har róch wati rahrawén bórá swár ent o gón nágatén  
 topákáni shelsarén hanjará, bázénéay ján o delá thappiga kant. Shahzádag  
 dah pánzdah sálag but o yak róché gwázi gwáziá, azhdiá zahr gept o  
 shahzádagay pádi dap jat. Shahzádagá ham mahtal nakort o gón wati  
 zágdatagén zahmá, azhdiáay dombi goddhet o sest.

Gón dombay goddhagá, azhdiáyá ham dap pach kort o shahzádagi yak  
 daparé kort o ér bort.



بادشاہ کہ چہ اے ناگتین، دردناکین تپاکا سہیگ بوت، توست و بیہوش بوت. وھدے کہ ہوش آتک، گوشتی: «برئوتی اژدیایا بیاریت تان بزنان کہ آییآ پہ جے چش کرت؟» وزیرا گوشت: «جی، اژدیا ٹپیگ انت. کمے اؤپار کنیت، کارینی.»

باگپان در بوت و وزیر، آبیے پدا کپت و گوشتی: «اٹون، اے وھدا بادشاہ چہ گئیز و گزبا پرجوش انت و شرین شعورے برت نکنت. اگن نون پرمان بکنت اژدیایا بکشین، بلکین رندا پشومان بییت و مارا پہ اے ھکمے منگا ملامت بکنت. آییآ اژدیا چکے کساسا دوست بییت.» باگپانا سرکیچ وارت و گوشتی: «ھئو.»

بلہ آھر دوین انگت سہیگ نہانتت کہ اژدیایا دیر انت زھر زرتگ و چہ باگا در کپتگ و دیم پہ ناکجاآباتان شتگ. وھدے باگپانا اے ھبر زانت، گون وزیرا گوشتی: «نون چون کنین کہ اژدیا زھر گپتگ و پہ بیہ و بن در شتگ؟» وزیر ھم آج اے ھبرا، مان اندوہ و گرانیین وتاومانے کپت.

Bádsháh ke cha é nágatén, dardnákén topáká sahiġ but, tost o béhósh but. Wahdé ke hósh átk, gwashti: “Berawét, azhdiáyá byárét tán bezánán ke áíá pa ché chosh kort?” Wazirá gwasht: “Ji, azhdiá thappig ent. Kammé ópár kanét, káréni.”

Báġpán dar but o wazir, áíay padá kapt o gwashti: “Annun, é wahdá bádsháh cha gayz o gazabá porjósh ent o sharrén shawré borreta nakant. Agan nun parmán bekant azhdiáyá bekoshén, balkén randá pashómán bebit o mára pa é hokmay mannagá malámat bekant. Áíá azhdiá chokkay kesásá dósta bit.” Báġpáná sarkech wárt o gwashti: “Haw.”

Bale á har doén angat sahiġ naatant ke azhdiáyá dér ent zahr zortag o cha báġá dar kaptag o dém pa nákojáábátán shotag. Wahdé báġpáná é habar zánt, gón wazirá gwashti: “Nun chón kanén ke azhdiá zahr geptag o pa béh o bon dar shotag?” Wazir ham ach é habará, mán andóh o gránén watómáné kapt.

دیگرے وهدا، رۆندے نژیکا، بادشاه گۆن دردناکین دل و ٹپیگین تهمبلے باگا در بوت و وزیر آییے رندا. هر دوین آرام و بے تتوار، گل و پُلانی درنیاما کدم جنان دیما شتنت. بادشاهے چمانی تھا ارس مان کپتگات و نُک هُشک و دپ رها بوتگات.

گۆن اژدیائے نگدگا، هزار بے بُنین جُستانی زرا بُکتگات و تهمی نکرت په جُستیا دپ پچ بکنت. وزیر هم همے دردناکین ودارے آسا سُچان ات که اگن اژدیائے جُستا بگیپت، چۆنین پسئوے پیشی بکنان. بله په هئیر گوست و آییما جسته نگپت.

بازین رۆچے گوست و بادشاه چه وتی کسر و کوٹا در نبوت. شاهی دیوانا نیاتک و مهمان و مردمانی دیما هم نیشت. بادشاهے جن، چه وتی شهزادگین بچے ناگتین مرک و آجانسۆچین تُپاکا، مُنج و مار ات و توتل و متا، تاکے دپا کپتگات و گۆن هچگسا هبری نکرت. بادشاهین جودے اندوهان، چه واک و توانا پرینتگات.

Digaray wahdá, rónenday nazziká, bádsháh gón dardnákén del o thappigén tahambolé bágá dar but o wazir áiyay randá. Har doén áram o bétawár, gol o polláni darnyámá kadam janán démá shotant. Bádsháhay chammáni tahá ars mán kaptagat o nok hoshk o dap rahá butagat.

Gón azhdiáay nagendagá, hazár bébonén jostáni zerá bokketagat o tahmi nakort pa jostéa dap pach bekant. Wazir ham hamé dardnákén wadaráy ásá sochán at ke agan azhdiáay jostá begipt, chónén passawé péshi bekanán. Bale pa hayr gwast o áíá josté nagept.

Bázén róché gwast o bádsháh cha wati kasr o kóthá dar nabut. Sháhi diwáná nayátk o mehmán o mardománi démá ham nanesht. Bádsháhay jan, cha wati shahzadagén bachay nágatén mark o á jánsóchén topáká, monj o már at o tuttal o matá, tákay dapá kaptagat o gón hechkasá habaria nakort. Bádsháhén jóday andóhán, cha wák o twáná perréntagat.

یک سارت و زمستانی سباهے کہ چه کلاتے بُرج و کُنگرهانی شَمَا رُژن وتی تلاهین برانزا تالان کنگا ات، اناگتا وزیرے دروازگئے تُکینگا آجہ سرینت. دروازگ کہ پیچ بوت وزیرا گوشت: «هان بارین؟ چی انت؟» کارداریا گوشت: «بادشاه ترا لوئیت.» وزیر په اشتاپے پاد آتک و دیم په کلاتا رهادگ بوت.

اودا که رست، دیستی بادشاهے ڈیل و دروشما، مروچی چه رُژنئے تلاهین چهرگا رنگ زرتگ و ترپناک انت. آییے دل هم وش بوت، گون کندانین دپے، شاهے درود و درهبات گوشگا درکت. گڑا بادشاهها گوشت: «او وزیر! من زنان که اژدیایا سل زهر زرتگ، یا هم بلکین په دمبے برگئے هاترا چه منی دیم شرمناک انت، که منی چُکی وارتگ. بله نون من چه آییَا دردناکتر آن، چیا که من نون هر دوین چه دست داتگ و باهینتگ انت، هم چُک و هم وتی دوستین اژدیا. منی جائے هئوپ و اندوه دو انت. برئویت و په هر داب منتگ، آییَا در گنجیت و بیاریت.»

Yak sárt o zemestáni sabáhé ke cha kalátay borj o kongoraháni shamá rozhn wati teláhén bránzá tálán kanagá at, anágatá waziray darwázagay thokkénagá á jah serrént. Darwázag ke pach but wazirá gwasht: “Hán bárén? Chi ent?” Kárdaréa gwasht: “Bádsháh tará lóthit.” Wazir pa eshtapé pád átk o dém pa kalátá rahádag but.

Ódá ke raset, disti bádsháhay dhill o dróshomá, maróchi cha rozhnay teláhén chehragá rang zortag o trepnák ent. Áiay del ham wassh but, gón kandánén dapé, sháhay drud o drabhát gwashagá drekket. Gorhá bádsháhá gwasht: “Oo wazir! Mana zánán ke azhdiáyá sell zahr zortag, yá ham balkén pa dombay borragay háterá cha mani démá sharmnák ent, ke mani chokki wártag. Bale nun man cha áíá dardnákter án, chiá ke man nun har doén cha dast dátag o báhéntagant, ham chokk o ham wati dóstén azhdiá. Mani jánay hawp o andóh do ant. Berawét o pa har dáb mantag, áíá dar géjét o byárét.”

وزیرا چہ شاہی لشکرا سے رُمب در چگست و دیم پہ جنگل و کوہ و گیابانا رٹوان  
کرت۔ آکبت لشکرے رُمبَا اژدیا دیست و ہرچنت گون آیا مِنت و زاری اش کرت،  
بلہ اژدیا پہ رٹوگا رازیگ نبوت۔ تان آہرا، آیان اژدیا پہ زور گپت و بادشاہے دربارا  
آورت۔

بادشاہے چم کہ پہ اژدیایا کپنتت، مان یک دوگونگین ہالتے دچار کپت، چہ  
شہزادگین چکے مرکا گمناک و چہ اژدیایے دوارگین دیدارا گلناک ات۔

بازین وهد و دمانیا رند، کہ چہ پگر و اندیشگا ہلاس بوتگات، گوشتی: «هان،  
اژدیا! نون منی چک پدا نیئیت، ترا پہ چے چہ دستا بدئیان، بلہ بمن کہ تئو مزین  
ردے جت.»

Wazirá cha sháhi lashkará say romb dar chegest o dém pa jangal o kóh o  
gyábáná rawán kort. Ákebat lashkaray rombá azhdiá dist o harchont gón  
áiá mennat o záriésh kort, bale azhdiá pa rawagá rázig nabut. Tán áherá,  
áyán azhdiá pa zór gept o bádsháhay darbára áwort.

Bádsháhay chamm ke pa azhdiáyá kaptant, mán yak dogónagén hálaté  
dochár kapt, cha shahzádagén chokkay marká gamnák o cha azhdiáyay  
dwáragén didará galnák at.

Bázén wahd o damánéá rand, ke cha pegr o andéshagá halás butagat,  
gwashti: “Hán, azhdiá! Nun mani chokk padá nayayt, tará pa ché cha dastá  
bedayán, bale bemann ke taw mazanén radé jat.”

اژديايا پوشارگه جت و رندا، ارسى چه چمان رتكنت. انچش كه زمين تر بوت،  
 گوشتي: «او بادشاه! منى پشومانى و تئى پهللى، ما هر دوينان سوتى نبكشيت.  
 تان منا دُمب و ترا بچك ياد انت، منى و تئى دوستى برباد انت.»

Azhdiáyá pussháragé jat o randá, arsi cha chammán retkant. Anchosh ke zemin tarr but, gwashti: “Oo bádsháh! Mani pashómáni o tai pahelli, má har doénán suddé nabakshit. Tán maná domb o tará bachak yád ent, mani o tai dósti barbád ent.”



گون اے گپا، پشتى مان دات و گون گريتگين چمى رهادگ بوت و شت. بادشاه و  
 اژديايى كسه چه همدا آسر بوت.

Gón é gappá, poshti mán dát o gón grétagén chammé rahádag but o shot. Bádsháh o azhdiáyay kessa cha hamedá ásar but.

اژدیایا پدا دیم په جنگلے رٹوگا پیسر منا دات یک مارمهرگے، من شتان چاتا په  
آپے کشگا، مارمهرگ چاتا کپت و گار بوت و من گون هورکین کیسگے پر ترّت و  
لوگا آتکان.

Azhdiáyá padá dém pa jangalay rawagá pésar maná dát yak mármohragé,  
man shotán chátá pa ápay kasshagá, mármohrag chátá kapt o gár but o man  
gón hórkén kissagé per tarret o lógá átkán.